



中国国家图书馆
NATIONAL LIBRARY OF CHINA

新刊古今歲時雜詠卷第三

古詩

立春

剪綵花絕句二首

梁劉孝威

葉舒非衛大花是發家開無人論訝似蜂見也爭來
淺深依樹色舒卷聽人裁假令春色度經住手中開

詠司農府春幡

梁徐勉

幡穀重前經人天稱徃錄青珪禮東甸高旗表治粟
委遲乘旦風蕊翠揚朝旭平秩庭春司和氣承玉燭
豈伊盈八政魚茲辯榮辱十千既萬取利珉誰不足
立春日沉舟立園各賦一字六韻成篇



座有張式陸瓊顧野王謝朓褚瑒陳後主
王綏傅緯陸瑜姚察等九人上

春光反禁苑暖日暖源桃霄烟近漠漠暗浪遠滔
石苔侵綠蘇岸草發青袍迴歌逐轉檝浮水隨渡刀
遙看柳色嫩迴望鳥飛高自得欣為樂忘意若臨濠

獻歲立春光風具美汎舟玄圃各賦六
韻座有張式陸瓊顧野王殷
謀陸瑒岑之敬等六人上

寒輕條已翠春初未轉禽野雪明巖曲山花昭迫林
苔色隨冰溜樹影帶風沉沙長見水落歌遙覺浦深
餘輝斜四戶流風颺八音既此留連席道欣放曠心

立春游苑迎春
中宗

神臯福地三秦邑五臺金闕九仙家寒泉猶戀甘泉

樹淑景催臨建始花綵蝶黃鶯未歌舞梅香柳色已
矜誇迎春正啓流霞席暫囑曦輪勿遽斜

奉和立春游苑迎春應制
崔日用

乘時迎氣正璿衡灑灑煙氛向曉清剪綺裁紅妙春
色宮梅殿柳識天情瑤管綵鸞先呈瑞金縷晨雞未
學鳴聖澤陽和宜宴樂年，捧日向東城

同前
李適

金輿翠輦迎嘉節御苑仙宮待獻春淑氣初銜梅色
淺條風半拂柳墻新天杯慶壽齊南嶽聖藻光輝動
北辰稍覺被香歌吹近龍驂薄暮下城闈

同前
馬懷素

玄籥飛灰出洞房青郊迎氣肇初陽仙輿暫下宜春
苑御醴行開薦壽觴映水輕苔猶隱綠緣隄弱柳未舒
黃惟有裁花飾簪鬢相隨聖藻狎年光

同前

韋元旦

灞溪長安恒近日殷正臘月早迎新池魚戲葉仍含
凍宮女裁花已作春向苑雲疑承翠幄入林風若起
青蘋年斗柄東無限願挹瓊觴壽北辰

同前

閻朝隱

管鑰周移袞極裏乘輿倚望斗城闈草根未結青絲
縷蘿萋猶垂綠帔中鵲入巢中言改歲燕銜書上道
宜新願得長繩繫取日光臨天子萬年春

同前

沈佺期

東郊暫轉迎春仗上苑初飛行慶杯風射蛟冰千片
斷氣衝魚鑰九開開林中覓草纔生蕙殿裏爭花併
是梅歌吹銜恩歸路晚栖烏半下鳳城來

立春日侍宴別殿內出綵花應制

趙彥昭

剪綵迎初候攀條寫故真花隨紅意發葉就綠情新
嫩色驚銜燕輕香誤採人應為薰風拂能令芳樹春

同前

沈佺期

合殿春應早開箱綵預知花迎宸翰發葉待御筵披
梅訝香全少桃驚色頓移輕生承剪拂長奉萬年枝

同前

宋之問

金閣裝仙杏瓊筵弄綺梅人間都未識天上忽先開
蝶繞香絲任蜂憐艷粉迴今年春色早應為剪刀催

同前

上官昭容

密葉因裁吐新花逐剪舒攀條雖不謬摘藥剩知虛
春至由來發秋還未肯踈借問桃將李相亂欲何如

同前

李嶠

幸門年已至剪綵學芳辰綴綠竒能似裁紅巧逼真
花從篋裏發葉向手中春不與韶光競何名天上人

同前

劉憲

上林宮館披春心獨早知剪花疑始發刻燕似新窺

色濃輕雪點香淺嫩風吹此日叨陪侍恩榮慙數枝

和立春日內出綵花樹應制

岑曦

和風助律應韶年清蹕乘高入望仙花笑鶯歌迎帝
輦雲披日霽俯皇川南山近獻仙杯上北斗平臨御
宸前一奉恩榮歡在鎬空知率舞聽薰絃

同前

崔湜

澹蕩春光滿晚空逍遙御輦入離宮山河降望雲天
外臺榭參差烟霧中庭際花飛錦繡合枝間鳥嘯管
絃同即此歡娛齊鎬宴鳴應率舞歌薰風

同前

張說

別館芳菲上冕東飛花澹蕩御筵紅城臨渭水天河



近闕對南山雲霧通統殿流鶯凡幾樹當蹊亂葉許
多蘖春園既醉心和樂共識皇恩造化同

同前

武平一

鑾輅青旂下帝臺東郊上苑望春來黃鶯未解林間
轉紅藥先從殿裏開書閣條風初變柳銀塘曲水半
含苔少逢睿藻光韶律更促霞觴畏景催

剪綵

宋之問

駐想持金錯居然作管灰綺羅織手制衣桃李向春開
拾藻蚌初泊銜花鳥未迴不言將巧笑翻逐美人來

立春日晨起對積雪

張九齡

忽對林庭雪瑤華處、開今年迎氣始昨夜伴春迴

玉潤窻前竹花繁院裏梅東郊齋祭所應見五神來

立春日對雪

孟浩然

迎氣當春立承恩喜雪來潤從河漢落花逼艷陽開
不覩豐年瑞安知燮理才散監如可擬願糝和羹梅

和張左司自洛使入京中路先赴長安

逢立春日贈韋侍御及諸公

孫逖

拜即登省闥奉使馳車乘遥瞻使者星更是郎官應
臺妙時相許皇華德彌稱二陝聽風謠三秦望形勝此
中睽友益是日多詩興寒盡歲陰催春歸物華證
勿覩雲間數鴈迴更逢山上一花開河邊淑氣迎芳
草林下輕風待落梅秋憲府中高唱入春卿署裏和



來共 東閣招賢地自有西征作賦才

立春後休沐

包佶

心與青春背新年亦掩扉漸窮無相學唯避不才譏
積病故難愈銜恩報轉微定知書課日優詔許辭歸

立春後開元觀送強文學還京

張南史

臘後年華變關西駙騎遙塞鴻連暮翼江柳動寒條
山水辭鄆郡圖書入漢朝高樓非別處故使百憂消

東郊迎氣

皇甫冉

曉見蒼龍駕東郊春已迎綵雲天仗合文象太階平
佳氣山川秀和風政令行為陳霜騎肅御道雨師清

律向韶陽變人隨草木榮遙懼上林苑今日遇遷鶯

立春

冷朝陽

玉律傳佳節青陽應此辰土牛呈歲稔綵燕表年春
臘盡星迴次寒餘月建寅風光行處好雲物望中新
流水初銷凍潛魚欲振鱗梅花將柳色偏思越鄉人

立春日宴高陵任明府宅

耿漳

春灰今變候密雪又霏，坐客同心滿流年此會稀
風成空處亂素積夜來飛且共銜盃酒陶潛不得歸

剪綵花

雍裕之

敢競桃李色自呈刀尺功蝶猶迷剪翠人豈辨裁紅

立春日曉望三素雲

貞元十一年
呂侍郎下

李季何



靄、青春曙飛仙駕五雲浮輪初縹緲承蓋下氤氳
薄影隨風度殊容向日分羽毛紛共遠環珮香猶聞
靜合煙霞色遙將鸞鶴羣年、瞻此御應許從元君

同前

李應

玄鳥初來日靈仙望裏分水容朝上界玉輦擁朝雲
碧落流輕艷紅霓間彩文帶煙時縹緲向斗更氤氳
鬢髯隨風馭超遙出曉雲茲辰三見後希得從元君

途中立春寄懷楊郇伯

竇常

浪跡終年客驚心此地春風前獨去馬澤畔耦耕人
老大交情重悲涼外物親子雲今在宅應見柳條新
立春後言懷招汴州李匡衡推

令狐楚

閑齋夜擊唾壺歌試望夷門奈遠何每聽寒笳離夢
斷時窺清鑑旅愁多初驚宵漏丁丁促已覺春風習
習和海內故人君最老花開鞭馬更相過

立春日酬錢員外曲江同行見贈

白居易

下直遇春日垂鞭出禁闈兩人携手語十里看山歸
柳色早黃淺水文新綠微風光向晚好車馬近南稀
機盡笑相顧不驚鷗鷺飛

會昌六年立春日人日作

二日立春人七日盤蔬餅餌逐時新年方吉鄭猶為



少家比劉韓未是貧鄉園節歲應堪重親故歡游莫
厭頻試作循潮封眼想何由得見洛陽春分司致任官中
韓庶子尤貧循潮封三郡遷客
老劉負外韓皆治下舊游也

酬劉谷立春日吏隱亭見寄 李郢

孤亭遙帶寺靜者獨登臨楚霽江流慢春歸澤氣陰
野田青牧馬幽竹暖鳴禽日、年光盡何堪故國心
立春日江村偶興

舊歷年光看卷盡立春何用更相催江邊野香寒無
竹外孤村坐見梅山雪乍晴嵐翠起漁家向晚笛
聲哀南州近有秦中使聞道胡兵索戰來

立春日

李遠

暖日榜簾晚濃春開篋紅釵斜穿綵燕羅薄剪春蟲
巧著金刀力寒侵玉指風娉婷何處戴山髮綠成叢

剪綵

剪綵贈相親銀釵綴鳳真雙、銜綬鳥兩、度橋人
葉逐金刀出花隨玉指新願君千萬歲無歲不逢春

立春日

陸龜蒙

去年花落時題作送春詩自為重相見應無今日悲
道孤逢識寡身病買名遲一夜東風起開廉不敢窺

渚宮立春書懷

吳融

春候侵殘臘江蕪綠未齊風高鶯轉澀雨密鴈飛低
向日心雖在歸朝路欲迷近聞驚御火猶及霸陵西



立春

曹松

春日一盃酒便吟春日詩木稍寒未覺地脉暖先知
鳥轉星沉後仙分雪薄時寧無剪花手贈與最芳枝
一作賞心無處說悵望曲江池

京空正月七日立春

羅隱

一二三四五六七萬物生牙是今日遠天歸雁拂雲
飛近水游魚迸冰出

立春

韋莊

青帝東來日馭遲暖煙輕逐曉風吹剝袍公子樽前
覺錦帳佳人夢裏知雪浦乍開紅菜甲綵幡新剪綠
楊枝殷勤欲獻宜春曲題向花牋帖繡楣

立春日有懷呈官傅侍郎 皇甫曙

朝旦微風吹曉霞散為和氣滿家不知容貌潛消
落且喜春光動物華出問池冰猶塞岸歸尋園柳未
生牙摩挲酒甕重封閑待入新年共看花

立春

杜甫

春日春盤細生菜忽憶兩京梅發時盤出高門行白
玉菜傳纖手送青絲巫峽寒江那對眼杜陵遠客不
勝悲此身未知歸定處呼兒覓紙一題詩

新刊古今歲時雜詠卷第四

今詩

立春

立春日病起邀定國見過請率禹功同
來僕雖不能飲當請成伯主會予杖策
倚几於其間觀諸公醉笑以發滯悶也

東坡二首

孤燈照影夜漫漫，拈得花枝不忍看。
白髮歌筵羞彩勝，黃耆煮酒薦春盤。
東方烹狗陽和動，南陌爭牛鬪作團。
老子從來興不淺，向隅誰有滿堂歡。
齋居卧病禁烟前，辜負名花已一年。
此日使君不強



喜青春風物為誰妍青衫公子家千里白首先生杖
百錢曷不相將來問疾已教呼取散花天

和曾通判新春

蕭索東風兩鬢華年、幡勝剪宮花愁聞寒笛吹蘆
管喜見春盤得蓼芽吾國舊供雲澤米定式齋酒君家
新致雪坑茶近得曾坑茶近得曾燕南異事真堪記三寸黃柑擘
永嘉

立春日小集呈李端叔

白髮已十載青春無一堪不驚新歲換聊與故人談
牛健民聲喜鴉嬌雪意酣霏微不到地和暖要宜蚕
歲月斜川似風流曲水慙行吟老燕代坐睡夢江潭

丞掾頗哀援歌呼誰怕參衰懷久灰槁習氣尚饒貪
白啖本河朔紅消真劍南辛盤得青韭臘酒是黃柑
歸卧燈殘帳醒聞葉打庵須煩李居士重說後三三

次韻劉貢父春日賜幡勝

寬詔隨春出內朝三軍喜氣挾狐貂鏤銀錯落翻斜
月翦綵繽紛舞慶霄臘雪強飛纔到地前一日曉風
偷轉不驚條脫冠徑醉應歸卧便腹從人笑老韶是
酒暮賜

再和

弁君流落偶還朝過眼紛綸七葉貂莫笑華顛飄彩
勝幾人黃壤隔青霄行吟未許窮騷雅坐嘯猶能出

教條記取明年江上郡。五更春枕夢春韶。

立春日

熊白來山北，豬紅削劍南。春盤得青韭，臘酒寄黃柑。

春貼子詞

皇帝閣六首

藹、龍旂色琅、木鐸音數行。寬大詔四海，發生心
賜谷賓。初日清臺告，協風願如風。并信長并日，俱中
草木漸知春。萌芽處、新從今。八千歲合抱，是靈椿。
聖主憂民未解顏，天教瑞雪報豐年。蒼龍佳闕農祥
正，父老相呼看籍田。
昨夜東風入律新，玉闕知有受降人。聖恩并解湟河

凍得共中原，草木新

翰林職在明光裏，行樂詩成拜舞中。不得驚開小桃

杏，始知天子是天公。

太皇太后閣六首

琯刻春何力，欣榮物自發。生雖有象覆，載本無私

小殿黃金榜，朱簾白玉鉤。一聲變白春，色滿皇州

仗下春朝散，宮中晝漏稀。兩廂休侍御，應下讀書帷

五日占雲十日風，憂勤終歲為三農。春來有喜何人

見好學神孫類祖宗

共道十年無臘雪，且欣三白歷春田。盡驅南畝扶犁

手，稍發中都朽貫錢。



不獨清心能省事應緣克已自消兵傳聞塞外千君
長欲趁新年賀太平

皇太后閣 六首

瑞日明天仗仙雲擁壽山猗蘭春晝永金母在人間
寶冊瓊瑤重新庭松桂香雪消春未動碧瓦鹿朝陽
朝罷金鋪掩人閑寶瑟塵欲知慈儉德書史樂青春
仙家日月本長閑送臘迎春豈亦然翠管銀罌傳故
事金花綵勝作新年
彤史年來不絕書三朝德化婦承姑宮中侍女減珠
翠雪重衣貧民得袴襦
邊庭無事羽書稀閑遣詞臣進小詩共助至尊歌喜

事今年春日得春衣

皇太妃閣 五首

葦桃猶在戶椒栢已稱觴歲美風光應朝回日漸長
甲觀開千柱飛樓耀九層雪殘烏鵲喜翔舞下觚稜
孝心日奉東朝養儉德應師大練風太史新年瞻瑞
氣四星明潤紫宮中

九門挂月未催班清禁風和玉漏閑崇慶早朝銀燭
下珮環聲在五雲間

東風弱柳萬絲垂的皪殘梅尚一枝蠶館乍欣蚕浴
後禰壇猶記燕來時

夫人閣 四首



綵勝縷新語酥盤滴小詩屏平名樂事應許外廷知
細雨曉風柔春聲入御溝已漂新荇沒猶帶斷冰流
扶桑初日映簾昇已覺銅鉞暖不冰七種共推人日
菜千枝先剪上元燈
雪消鴛瓦已流澌風暖犀盤尚鎮帷縹眇紫簫明月
下壁門桂影夜參差

春日

黃門

春到燕山冰亦消歸驂迎日喜驃姚久行胡地生華
髮初試東風脫弊貂插髻小幡應正示點槃生菜為
誰挑附書勤埽東園雪到日青梅未滿條

春帖子詞

皇帝

六首

文忠公

萌芽資暖律養育本仁心顧彼蒼生意安知帝力深
陽進升君子陰消退小人聖君南面治布教法新春
氣候三陽始勾萌萬物新雷聲初發號天下已知春
玉琯氣來灰已動東郊風至曉先迎乾坤有信如符
契草木無知但發生

朝雲藹、弄春暉萬木欣、暖尚微造化未嘗私一
物各隨妍醜自芳菲
熙、人物樂春臺風送春從天上來玉輦經年不遊
幸上林花好莫爭開

皇后閣五首



御水冰銷綠宮梅雪壓香新年賀康泰白日漸舒長
諳珠簾日浴碧瓦烟漪連采葍水和暖浴蚕天
初欣綵勝迎春早已覺鷄人報漏遲風色結寒猶料
峭天光煦日已融怡
鴛寒未報宮花發風暖還催臘雪銷欲識春來自何
處先從天上斗回杓
三辰明潤璇璣運四氣均調玉燭光共喜新年獻椒
酒惟時萬壽祝君王

夫人閣五首

太史頒時令農家候土牛青林自花發黃屋為民憂
元會會千官集新春萬物同測圭知日永占歲喜時豐

黃金未變千絲柳白日初遲百刻香聖主本无聲色
惑宮花不用妬新粧
微風池沼輕澌漾旭日樓臺瑞藹浮四海歡聲歌
帝澤萬家春色滿皇州
玉殿籤聲玉漏催綵花金勝巧先裁宿雲容與朝
暉麗共喜春隨曙色來

温成皇后閣四首

璪窻珠戶暖生烟不覺新春換故年衆卉爭妍競時
態却尋遺跡獨依然
寶奩香歇掩鈿華舊閣春歸老監嗟盡棟重來當
日燕玉欄猶發去年花

椒壁輕寒轉曉暉珠簾不動暖風微可憐春色來
依舊惟有餘香散不歸
內助從來上所嘉新春不忍見新花君王念舊憐
遺族常使無權保厥家

皇帝閣十二首

宋景公

瑞福隨春到穰，正似山君王寬大詔自此徧人間
東郊迎氣罷暖信入嚴宸暫遣星杓轉令知天下春
穀管灰飛盡金胥漏刻長歡情與和氣併入萬年觴
春風長樂地春仗大明天春酒皆千日春枝即萬年
陽和今日到景物一時新陛下南山壽長迎千萬春
天上春先徧世間人未知黃金裝柳葉紅葉點花枝

水暖蛟冰解灰飛鳳管和陽春與皇澤併付女夷歌
日華初麗上林天殿裏春花百種鮮驅出餘寒還故
臘收回和氣作新年
望春臺下春先到獵，青旗倚漢宮水自北涯生暖
溜花從東面受和風
蒼龍東闕轉春旗綵羽林稍最早知青帝回風還習
習黃人捧日故遲，
天矯蒼龍引翠旌君王暫報出郊迎勾芒一夜催春
到萬戶千門歌吹聲
宜春苑裏報春回寶勝繒花百種催瑞羽閑，遷
木早神魚潑，上冰來



皇后閣九首

嘉福隨年至，皇恩共氣和。水痕冰處動，烟思柳前多。
曉佩搖蒼玉，宸旗亞翠旂。新年好春色，今日滿皇州。
暖碧浮天面，遲紅上日華。寶幡雙帖燕，綵樹對纏花。
青郊迎淑氣，華闕報芳辰。瑞木梢，變珍禽。呀，新
春前已歲，換歲後始春來。綵燕隨宜帖，繒花闕巧開。
宮裏春花纔灼，殿前春仗已裁。東風盡解天池凍，
凍不及君王慶澤多。
誰道春從何處來，只從金闕徧瑤臺。蒼龍便入時巡
仗，玉液還飛行慶盃。
迎春寶勝插釵梁，拂鈿裁金闕。巧裝衣上作君王，萬年

字要知長奉白雲觴

雙闕鮮雲抱日光，朝來春意已昌昌。先從太液催
波綠，後到靈和報柳黃。

夫人閣九首

春闕風光麗，春城歌吹喧。瓊酥獻春酒，金薄縷春幡。
瑞歷歲惟新，物華春可愛。雪盡林弄姿，冰銷水生態。
春從何處生，先覺滿瑤京。冰解魚鱗負雲飛，鶴態成
雪罷雲初暖，天和日便遲。玉箱新燕子，襟下記來時。
春天麗，春旭春酒獻春盃。樹待珊瑚闕，花須羯鼓催。
銀闕崔嵬對未央，春來始覺好年光。風生林下苑無
窮，麗日向仙壺一倍長。



東郊移仗曉迎春已覺輕寒不着人天瑞穰穰君
澤美併教和氣助佳辰
日照觚稜萬戶春細風輕露淡嘉辰一番宮柳黃
煙重百種盤蔬紫甲新
玉管輕羅和氣動土牛青犢報祠歸仙盤取露朝
和蕊舞殿裁雲暝作衣

白王帝閣六首

夏竦

金盤曉日融春露黼帳鮮雲蔭瑞香壽聖永同天
地久南山何足比延長
冰消太液生春水上披香積瑞烟 岳告成鴻慶

遠垂衣無事永千年

天人道洽真游降禪祀功高帝業昌迎氣東郊風乍
暖受釐中禁日初長

九門和氣衝魚籥層宙鮮颿起鶴雲王澤下流慈
煦遠萬方歌舞戴明君

青逵布序韶暉盛紫赫示乘春樂事多海域晏清無
夕慮齋居宣室順天和

寒梅吐艷風初應步輦宣旂日漸遲道蔭無涯真
緒遠永康寰海茂春祺

白皇后閣七首

青逵布序和風扇紫赫延禧瑞日長佇看親蚕臨蚕



館永觀彤管播聲芳
椒花獻歲良時啓彩燕迎春淑氣來仰奉帝慈方秀
出吹簫看築鳳凰臺
東郊候氣迴青輅北闕迎祥闕紫闈大庇羣生承寶
緒永敷春澤播鴻徽
銀箭初傳暖律延微和漸扇物華妍彩幡紅鏤宜春
字永奉宸慈億萬年
青陽乍整蒼龍駕紫宙初凝白鶴雲曼壽無疆真
蔭遠九重嘉氣日氤氳
緹室葭灰飛候琯彤闈天露起和風六宮永被河洲化
穆、芳猷佐聖功

三星分曜輝宸漢九禁迎春啓令辰仰奉椒闈宣內
治湛恩鴻慶永如春

壽春郡王閣四首

穆、韶華生紫禁遲、春箭下青宮良辰已慶加
元服大國爰聞拜景風
緹室葭灰飛律管鳳闈春色動年芳仙源積慶誠無
際永戴宸慈襲美祥
日上苑梅凝素艷雪晴宮柳弄青條已觀壽土封東
國即看懷金秦內朝
異表英奇非世出惠心通敏盡生知更當淑景承
慈煦永奉嘉祥茂本枝



春日詞五首

文忠公

宮壇青陌賽牛回
玉管東風逗曉來
不待嶺梅傳遠信
剪刀先放綵花開
試粉東牕待曉迴
共尋春柳傍香臺
不驚樹裏禽初變
共喜釵頭燕已來
紅霧初開上曉霞
共驚風色變年華
香車遙認春雷響
庭雪先開玉樹花
玉琯吹灰夜色殘
雞鳴紅日上仙盤
初驚百舌綿蠻語
已覺東風料峭寒
侍曉銅荷剪臘梅
繡簾春色犯寒來
畫眉不待張京兆
自有新粧試落梅

皇帝閣六首

温公

肇履璿璣歷重飛
緹室灰寒隨土牛
盡暖應斗車回
鸞路迎長日
農祥正曉天
九垓同燠沐
萬物向蕃鮮
盛德方迎木
柔風漸布和
省耕將效駕
擊壤已聞歌
鳴鴈求歸北
寒魚陟負冰
相烏風色改
暘谷日華升
浮陽滿野白
溶、澤底山椒
淑氣通草木
豈能知造化
一革一葉盡天功
漠然天造與
時新根著浮流
一氣均萬物
不須彫刻巧
正如恭己布深仁

太皇太后閣六首

盛德初臨震陽和
已動坤發生
天地大厚載
母儀尊



種桃臨玉砌戴勝刻金花借問此何處崑山王母家
長樂曉鍾殘皇輿入問安東風猶料峭冒絮禦餘寒
慶壽風煙接未央飛樓複道鬱相望春來無以銷長
日閑取經書教小王
冰凝半解波先綠柳葉未生條已黃四海澄清天子
孝朝回日奉萬年觴
東宮歸政五年餘隱几時觀黃老書禁闥無為民自
化熙熙不獨在春初

皇太后閣六首

母德思齊盛天心奮豫初青暉凝輦路佳氣擁宸居
暖日初添刻柔風乍襲衣弄孫時捕果觀織屢臨機

膾肉分銀縷蘭牙簇紫茸太官遵舊俗歲歲與今同
釵上花開海燕飛紅繒剪萼蠟粘枝風前飄蕩參差
羽還似瑤箱呈瑞時
玉漏聲殘金殿開乘輿清蹕問安來盡將草木欣
意同與新春入壽盃
裁縫大練成春服慈儉由來性所鍾肯使外家矜侈
靡車如流水馬如龍

皇太后閣五首

種稜獻新種禕褕澣舊衣玉鈎隨步輦行春採桑歸
樛木猶藏葉天桃未作花六宮歌逮下四海詠宜家
溝暖冰初斷牕晴雪半消餘寒不足畏塗壁畫芳椒



寶勝金幡巧闔功
綵花蠟燕颺和風
玉盤翠苜映紅
蓼捧案朝來獻兩宮
春衣不用蕙蘭薰
領綠無煩刺繡文
曾在替虫
就方知綉盡辛勤

夫人閣四首

璧帶非烟潤金鋪
霽景鮮繡功添采
綉和氣入繁絃
剪綵催花發開簾
望燕歸藏閣新過
臘習舞競裁衣
綺窓繡戶又東風
月掖避陪歲同但
願太平無限
樂何須三十六離宮
聖主終朝勤萬機
燕居專事養希夷
千門水盡春岑
寂不用車前揮竹枝

立春日

張文潛

風光先著竹間梅
和氣應從九地回
桃李滿園渾未
覺微紅先向寶刀開
蒼繒闕角回金井
文德門前散曉班
車馬紛紛殘雪
裏鏤銀翦綵舞新幡
天上春來誰報人
江山氣象一時新
懶將白髮簪幡
勝春酒三盃慰逐臣

又韻

黃魯直

渺然今日甌望梅
已發黃州首重迴
試問淮南風月
主今年桃李為誰開
誰怜舊日青錢選
不立春風玉笋班
傳得黃州新語

法老夫端欲把降幡
江山也似隨春動
花柳真成觸眼新
清濁盡須歸甕
蟻吉凶更莫問波臣

再次韻

春風調物似鹽梅
一根中生意回風日安排
催歲換丹青次第與花開
久狎漁樵作往還
晚風宮殿夢催班
鄰娃似與春爭道
酥滴花枝綵剪幡
酒有全功筆有神
可將心付白頭新春盤
一任人爭席
莫道前銜是近臣

立春

韭苗香煮餅
野老亦知春
看鏡道如尺
倚樓梅照人

王樂道太丞立春早朝
梅聖俞

近臣頭上黃金勝
殿前拜賜東風應
蓼牙疏甲簇春盤
肉抹長絲何亘寬
衣武卒舉至庭人歸下筋珠
難稱我家無火甑
生塵幪柳綵花空著興空著興
將底爲但願得米資
晨炊不管飛雲與麥宜
千官隊中身最早
五日一謁前旒垂

立春前一日雪中訪烏程宰李君俞尋有

詩見賦依韻和答

粉絮先春拂面朔
臨風躍馬到君堂
縣民將喜土膏起
令尹未驚農事忙
疾呼小吏具山酌
便欲盡醉爲



詩狂我牽塵俗不得久何意更煩投夜光

和立春

茲日何所喜所喜物向榮
粲縷作翠柳意先新陽生
塗金縷為勝義不首時輕增年已歎老斗酒聊自傾

擬宋之問春日剪綵花應制

上林花未有中禁綵先成
葉逐剪刀出榮從粧粉生
紅繁內人手香染侍臣纓
不是將青競天心重發榮

次韻冲卿除日春

王介甫

猶殘一日臘併見兩年春
物以終為始人從故得新
迎陽朝剪綵守歲夜傾銀
恩賜隨嘉節無功祇自塵

季父立春後有雪呈諸公

南畝先曾集素霏繽紛又拂歲
崢嶸得無留滯青
春色况復蔽虧紅日明司歷不能分
晝刻勾芒何處待時行豈如直近農
耕候萬耳聽來甘雨聲

白子儀

立春

陳無已

馬蹄殘雪未成塵梅子梢頭已著春
巧勝向人真奈老衰顏從俗不宜新
高門肯送青絲菜下里誰思白髮人
共學少年天下士獨能濡濕轍中鱗

奉和

聖製立春日二首晏殊

紫宙星回後青郊斗建時
上林鶯囀早南畝雪消遲
雲喬千祥集風條萬類滋
皇情同率土黔首頌昌期



陰陽自協璇璣運。和煦潛隨緹縈升。十二紫闥魚籥
啓九重峽闕絳煙凝。芳華稍變青門柳。寒之微銷北
陸宸。水藻乍頒羲日麗。八洪民庶保年登。

奉和 聖製新春

斗柄東迴六合春。堯天歷象與時新。銅壺瑞景延踈
漏。青輅祥風繞畫輪。雲裏樓臺高郁之。雨中原隄碧
鱗。千枝粉萼梅英吐。百尺金絲柳帶之。秉錄調元
功有序。在壻觀妙政惟醇。仰瞻魏闕宣和令。共識皇
恩子萬民。

立春祠太一 二首

紫毛雙節引青童。一片空歌韻曉風。太昊茲辰授春

令。鸞旗應在商雲中。

華燈明滅羽衣攢。翠栢蕭森矮檜寒。千步回廊繞金
殿。水蒼瑤珮響珊珊。

立春日詞

御閣四首

令月歸餘屆早春。羲舒相望協元辰。初陽乍逐青
旗動。聖壽長隨鳳曆新。

三素雲中曉望時。上真輶蓋綠參差。丹臺自有長生
籍。睿筭方延億萬期。
青輅迎春習之來。天泉池上曉冰開。珠幡已報三陽
候。栢葉將陳萬壽杯。



綵幡雙燕祝春宜
獻壽迎祥重此時
臘雪未消宮樹碧
早鶯聲在萬年枝

內廷四首

朱戶未聞迎綵燕
東郊先報舞雲翹
姜任盛德符青史
金屋千春奉聖朝
柳燧青、淑氣和水紋
初解縠紋波
椒風殿裏黃金屋
應候稱觴獻壽多
才聞太昊行新令
更祝元君望景輿
白玉龜臺資壽
歷千春
鴻福此春初
雙金鏤勝延嘉節
五綵為幡奉紫廷
春色漸濃人未覺
玉階楊柳半青

東宮閣 三首

青幡乍帖宜春字
翠旆初迎入律風
一有元良昭大慶
問安長在紫辰中
碧燕幡長綵樹新
寢門瑤佩慶初春
邦家累善鍾儲貳
皎、重暉在壁輪
鮫冰千片解華池
神水香醪滿壽卮
旭日九門凝瑞露
東廂朝拜奉宸慈

立春

宋景公

春時靈旗畫尾斜
漢宮青幘望晨霞
宮中綵樹紛無筭
不待東風已作花

春日

范資政



候管灰初動條風已發春萬靈歸化育。一氣驗平均。農事牛先示人情蠖欲伸優哉漢踈廣樽酒過嘉辰

和觀文相公立春日示詩 唐子西

閑把流年指上輪朝來七十五迴春一盃願薦喬松壽四海方依社稷臣血氣未嫌辛菜冷顏容猶稱彩幡新清詩小字傳觀處滿座驚呼覺有神

春日

今日天涯又見春與春分契合相親君看四十年來事只有東君是故人

奉詔立春日祀太一宮書事五言十六韻

劉筠

黃圖標靖館紫詔戒鯁臣祗被先三日精明奉列真。緹帷嚴宴室琅菜盛齋珍鵠浴薰湯潔龜存踵息勻。金胥傳漏箭雲襴換朝紳霞接浮立建星瞻太一神。九光龍孽密百和鵲鑪新磬度松間籟歌飄海底塵。中天鳴素瑟五鼓下瓊輪祝冊精衷達沈榆拜席陳。殿趨鳧鳥急廊轉羽旗頻薦幣冰紋滑升樽玉液醇。樓居排迥漢欵駕返清晨習。靈風遠欣。瑞木春。祥氛披輦道遲景上城闈宣室如垂問鴻禧永庇民。

立春 三首

崔正言

吏部今餘十九牙一盃湯餅羨君家不妨更往挑生菜釘取黃金塚裏花

再繼立春韻

君才傑立拔鯨牙笑我文章一小家
輒莫更書春帖子年來雙眼眩昏花

立春日

老病聲名外艱難霜雪中衰顏聊喜色
今日得春風漸日晴兼暖微催碧與紅
菜盤從草、猶足呼隣翁

立春後三日山行喜雨

白雲先生

窮冬陽為冷早氣蒸黃埃春風三夜動
膏雨隨風來萬類萌甲喜黎人生意開
我行竟何事欣尔登崔嵬

立春日舟次藕池阻雪有懷

楚澤多芳草春風昨夜生空江寒欲凍
亂雪灑無聲

獨作孤舟隱能忘萬里情手持新歲酒
空遶落梅行

立春夜宿西充山驛聞雪

獨宿西充館雲霧灑竹閣薄寒生永夜
亂響度空山殘月猶共白春風相與還
一枝梅未寄歸夢越巴蠻

立春

東溪先生

歲臘孤寒盡仁君愛育鋪吹家橫太簇
飲格到酴酥長進強兒輩衰殘逼壯夫
功名非敢望適意只花奴

臘月十九日立春

殘臘尚餘旬芳時報早春歲華雖聿莫
氣候已更新視景憐青髮尋歡趁令辰
何須正月旦始是賞春人

立春後鴈興



東風五丈高適早犯櫻桃簇管驚初弄花期又一遭
白春千石稻醲醞十香醪不是孟中聖春情未易陶

立春值雨

殘冬餘候未凋梅瓜代東皇走馬回權襲流年頒木
令雨迎和氣拂葭灰杏園手放丹青發麥野天拋餅
餌來是則早歸應早去且羸暮止把春盃

立春日雨次日雪

雨馬酣、夜警檣曉庭青蘚撲龍沙祁、已沁肌中
骨泉杲重鋪錦上花天庫倒囊膏品物酒壚空海沃
春華可憐牢落東窓客拂硯孤吟筆凍义

立春即事

隴西先生

璇杓阻閏律灰遲春入花梢蝶未知青帝似隨明月
至紫姑爭問一年疑

立春前密雪應祈呈范內翰

李新

六出飛靈歲或愆喜觀瓊礫曉滂然水官休隸一時
慘木帝已誇羣物妍斗換石田皆沃壤暗催雲稼入
豐年吾君誠禱通旻昊願聽氓謠被筦絃



新刊古今歲時雜詠卷第五

古詩

人日

和人日晚景宴昆明池 庾信

餘春足光景
趙李舊經過
上林柳腰細
新豐酒泛多
小船行釣鯉
新盤待摘荷
蘭皋徒稅駕
何處有凌波

正七日登高侍宴 隋陽休之

廣殿麗年輝
上林起春色
風生拂彫輦
雲迴浮綺翼

人日思歸 隋薛道衡

入春纔七日
離家已二年
人歸落鴈後
思復在花前

七日登樂游故基 盧照隣



四序周緹籥三正紀璿耀綠野變初黃
賜山開曉眺中天擢露掌匝地分星徼
漢寢賸遺靈秦江想餘弔蟻泛青田酌
鶯歌紫芝調柳色搖歲華冰文蕩春照
遠迹謝群動高情符衆妙蘭游澹未歸
傾光下巖窈

和人日清暉閣宴群臣應制

李嶠

三陽偏勝節七日最靈辰行慶傳芳蟻
升高綴綵人階前奠候月樓上雪驚春
今日銜天造還疑上漢津

同前

宗楚客

窈窕神仙閣參差雲漢問九重中葉啓
七日早春還太液天為水蓬萊雪作山
今朝上林樹無處不堪攀

同前

劉憲

輿輦乘人日登臨上鳳京風尋歌曲颺
雪向舞行索千官隨興合百福與時并
承恩長若此微賤幸輕生

同前

蘇頲

樓觀空煙裏勞年瑞雪過苑花齊玉樹
池水作銀河七日祥圖啓千春御賞多
輕飛傳彩勝天上奏薰歌

同前

李乂

上月登臺賞中天御輦飛後庭聯舞唱
前席仰恩輝睿作風雲起農祥雨雪霏
幸陪人勝節長願奉垂衣

同前

趙彥昭

出震乘東陸憑高御北辰祥雲映早歲
瑞雪候初旬宮樹千花發堦奠七葉新
幸承今日宴長奉萬年春



人日清暉閣遇雪應制 李嶠
千鍾聖酒御筵披六出祥雲亂繞枝即此神仙對瓊
圃何煩轍迹向瑤池

人日翫雪應制

趙彥昭

始見青雲干律呂俄逢瑞雪應陽春今日迴看上林
樹梅花柳絮一時新

人日侍宴大明宮應制

李嶠

鳳城景色已含韶人日風光倍覺饒桂吐半輪迎此
夜莫開七葉應今朝魚猜水凍行猶澁鶯喜春驚弄
欲嬌愧奉登高搖綵翰欣逢御氣上丹霄

同前

趙彥昭

寶契無為屬聖人 凋輿出幸玩芳辰平樓半入南山
霧飛閣旁臨東野春來路穠花千樹發垂軒弱柳萬
條新處 風光今日好年 願奉屬車塵

同前

劉憲

禁苑韶年此日歸東郊道上轉青旂柳色梅芳何處
所風前雪裏覓芳菲開冰池內魚新躍剪綵花間燕
始飛欲識王游幸陽氣為觀天藻競春輝

同前

蘇頲

疏龍燈道切昭迴建鳳旗門繞帝臺七葉仙莫承月
吐千株御柳拂煙開初年競帖宜春勝長命先浮獻
壽杯是日最靈知窈窕幸羣心就捧大明來



同前

詰旦行春上苑中憑高御下大明宮
千年執象寰瀛秦七日為人慶
賞隆鏡鳳豐騫搖瑞雪銅鳥細轉入
祥風此時朝野歡無筭此歲雲天樂未窮

李义

同前

鄭愔

瓊殿含光映早輪玉鑾初蹕望初晨
池開凍水仙宮麗樹發寒花
禁苑新佳氣徘徊籠細網殘
雲浙瀝染輕塵良時荷澤皆迎勝
窮谷晞陽猶未春

同前

沈佺期

拂旦雞鳴仙衛陳憑高龍首帝庭春
千官黼帳盃前壽百福香奩勝裏人
山鳥初來猶怯嘒林花未發已

偷新天文正應韶光轉設報懸知用此辰

同前

李適

宋城待鳳韶年至碧殿疏龍淑氣來
寶帳金屏人已帖圖花學鳥勝初裁
林香近接宜春苑山翠遙添獻壽杯
向少憑高風景麗天文垂曜象昭廻

同前

閻朝隱

勾芒人面乘兩龍道是春神衛九重
綵勝年逢七日醮糜歲歲滿千鍾
宮梅間雪祥光徧城柳含煙瑞氣濃
醉倒君前情未已願因歌舞自為容

人七日賜王公已下綵鏤人勝

崔日用

新年宴樂坐東朝
鐘鼓鏗鏗大樂調
金屋瑤筐開寶
勝花牋彩筆頌春
椒曲池苔色冰前
液上苑梅香雪
裏嬌宸極此時飛
聖藻微臣竊抃預
聞韶

同前

韋元旦

鸞鳳旌旗拂曉陳
魚龍角觝大明辰
青韶既肇人為
日綺勝初成日作
人聖藻凌高哦栢
賦仙歌促宴摘
梅春垂旒一慶宜
年酒朝野俱歡薦
壽新

同前

馬懷素

萬宇千門平旦開
天容辰象列昭回
三陽候節金為
勝百福延祥玉作
盃就暖風光偏著
柳辭寒雪影半
藏梅何幸得參詞
賦職自怜終乏馬
鄉才

人日雲臺觀打球應制
武平一
令節重遨遊
分鑣戲綵球
駢迴上苑躩蹠繞
通滄影就紅塵沒
光隨赭汗流
賞闌清景暮
歌舞樂時休

同前

沈佺期

今春芳苑遊
接宴上瓊樓
宛轉縈香騎
飄飄拂畫球
俯身迎未落
迴轡逐傍流
祗為看花鳥
時、誤失籌

軍中人日登高贈房明府

宋之問

幽郊日夜陰
風斷頓覺朝來
陽候暖涇水橋
南柳欲黃杜陵城
北花應滿長安
昨晚寄春衣短
翻登茲一望歸
聞道凱旋乘驛
騎看君走馬見
芳菲

人日登高

喬侃



僕本多悲者年來不悟春登高一遊目始覺柳條新
杜陵猶識漢桃源不辨秦蹇若昇雲霧還似出囂塵
賴得煙霞氣淹留攀桂人

人日兼立春小園宴

蘇頲

黃山積高坎表裏望京邑白日最靈朝登攀盡原隰
年灰律候動陽氣開迎入烟靄良薄含凌流小溪澁
賓朋莫我弃詞賦當春立更與韶物期不孤東園集

在蜀州人日寄杜甫

高適

人日題詩寄草堂遙憐故人思故鄉柳條弄色不忍
見梅花滿枝空斷腸身在遠藩無所預心懷百憂復
千慮今年人日空相憶明年人日知何處一卧東山

三十春豈知書劍老風塵龍鍾還忝二千石媿爾東
西南北人

追酬故高蜀州人日見寄并序杜甫

開文書秩中檢所遺忘因得故高常侍往俱在成都
時高任蜀州刺史人日相憶見寄詩淚灑行間讀終
篇末自枉誚已十餘年詩存沒又六七年矣老病懷
舊生意可知今海內忘形故人獨漢中玉璫與昭州
敬使君超先在愛而不見情見乎詞大歷五年正月
二十一日追酬高公化作因寄王友敬弟
自蒙蜀州人日作不意清詩久零落今晨散帙眼忽
開迸淚幽吟事如昨嗚呼壯士多慷慨合踏高名動



廖廓歎我悽，求友篇感時。鬱、匡君略錦里春光
空爛熳瑤池侍臣已冥冥。瀟湘水國旁電電鄴杜秋
天灾鵬鷃東西南北更堪論。白首扁舟病獨存。遙拱
北辰纏冠盜欲傾。東海洗乾坤。邊塞西番正充斥。衣
冠南渡多崩奔。鼓瑟至今悲帝子。曳裾何處覓王門。
文章曹桓波瀾闊。服食劉安德業尊。長笛誰家亂愁
思。昭州詞翰興招魂。

人日言懷

此日此時人共得一談一笑。俗相看盃中柏葉休隨
酒勝裏金花巧。奈寒佩劍衝星。聊暫按匣琴流水。自
須彈早春重引江湖興。直道無憂行路難。

人日剪綵

余延壽

閨婦持刀坐自憐。裁剪新葉催情綴。色花寄手成春
帖。燕留粧戶黏雞欲向人。驚來問夫婿。何處不如真。

謝郭厦人日長河感懷見贈此公比徑流

劉長卿

舊俗歡猶在。憐君恨獨深。新年向國淚。今日倚門心。
歲去隨湘水。春生近桂林。流鶯且莫弄。江畔正行吟。
和汴州李相公勉人日喜春 戴叔倫
年來日日春光好。今日風光好更新。獨獻菜羹憐應
節。遍傳金勝喜逢人。烟添柳色看猶淺。鳥踏梅花落
已頻。東閣此時聞一曲。翻令和者不勝春。



人日城南登高

韓愈

初正候纔兆涉七氣已弄霽、野浮陽暉、水披凍
聖朝身不廢佳節古所用新交既許來子姪亦可從
盤蔬冬春雜樽酒清濁共令徵前事為觴詠新詩
扶杖陵圯址刺船犯枯葑戀池羣鴨迴釋嶠孤雲縱
人生本坦蕩誰使忘倥偬直指桃李闌幽尋寧止重
人日送房二十六侍御歸越 權德輿

驛騎歸時駄馬蹄蓮花府映若耶溪帝城人日風光

早不惜離堂醉似泥

人日立春

盧仝

春度春歸無限春今朝方始覺成人從今剋已猶應

及願與梅花俱自新

人日陪宜州范中丞傳正與范侍御傳

真宴東峯亭

鮑防

人日春風綻早梅謝家兄弟看花來吳姬對酒歌千
曲秦語留人酒百杯絲柳向空輕宛轉玉山看日漸
徘徊流光易去歡難得莫厭頻、上此臺

人日即事

李商隱

文玉喻復今朝是子晉吹笙此日同舜格有苗旬太
遠周稱流火月難窮鍵金作勝傳荆俗剪綵為人起
晉風獨想道衡詩思苦離家恨得二年中

人日梅花病中作

李羣玉



去年今日湘西寺獨把寒梅愁斷腸今年此日江邊
宅卧見瓊枝低墜墻半開半落臨野岸團情團思醉
韶光玉鱗寐、飛斜月素艷亭、對夕陽已被兒童
苦攀折更遭風雪移馨香洛陽桃李漸撩亂回首行
宮春景長

人日代客子

陸龜蒙

人日兼春日長懷復短懷遙知雙綵勝併在一金釵

光啓三年人日逢鹿

司空曙

浮世仍逢亂安排賴佛書勞生中壽少抱疾上昇疎
日暖人逢鹿園荒雪帶鋤知非今又過蘧瑗最怜渠

乙丑人日

自怪扶持七十身歸來又見故鄉春今朝人日逢人
喜不料偷生作老人



新刊古今歲時雜詠卷第六

今詩

人日

惠州人日二首

東坡

曉雨暗人日。春愁連上元。水生挑菜渚。烟濕落梅村。小
市人歸盡。孤舟鶴踏翻。猶堪慰寂寞。漁火亂黃昏。
北渚集群鷺。新年何所之。盡歸喬木寺。分占結巢枝。生
物會有役。謀身各及時。何當禁畢弋。看引雷衣兒。

庚辰歲人日作時聞黃河已復北流老

臣舊數論此今斯言乃驗二首

老去仍栖隔海村。夢中時見作詩孫。天涯已慣逢人



日歸路猶欣過鬼門。三策已應思賈誼。孤忠終未赦。
虞翻典衣刺買河源米。屈指新筵作上元。
不用長愁挂月村。桤榔生子竹生孫。新巢語燕還窺
硯。舊雨來人不到門。春水盧根看鶴立。夕陽楓葉見
鴉翻。此生念念隨泡影。莫認家山作本元。

雅安人日次舊韻

人日滯留江上村。定知芳草怨王孫。題詩寄遠方揮
翰。扶杖登高獨出門。柳色忍看成感歎。花前歸思自
飛翻。浮陽披凍雖才弄。已覺春工漏一元。
似聞高隱在前村。坐脉扶牀戲子孫。自賞春光攜桂
酒。喜逢晴色款柴門。屏間帶日金人活。頭上迎風綵

勝翻蓬髮扶疎。吾老矣豈能舊負改新元。

人日獵城南者十人。以身輕一鳥過槍。
急萬人呼為韻得鳥字。

兒童笑使君憂愠。長悄誰拈白接籬。令跨金腰馬。
東風吹濕雪。手冷怯清曉。忽發兩鳴鶻。相趁飛蟲小。
放弓一長嘯。目送孤鴻矯。吟詩忘鞭轡。不語頭自掉。
歸來仍脫粟。鹽鼓煮芹蓼。何以雷將軍。兩眼霜鵝皎。
黑頭已為將。百戰意未了。馬上倒銀瓶。得兔不暇燎。
少年負竒志。增燈百憂繞。回首英雄人。老死亦不少。
青春還一夢。餘年真過鳥。莫上呼鷹臺。平生笑劉表。

人日

宋景公



綵勝香羨樂上春我懷前事悵佳辰瞿曇尚笑浮生
假况鏤黃金假作人

人日

唐子西

人日傷心極天時觸目新殘梅詩興晚細草夢魂春
挑菜年々俗飛蓬處々身墓頤頻語及髣髴到未津

人日立春舟行寄福州燕二司封

蔡襄

渚溪潮上送行船回望高城隔曙烟景色似看名畫
展醉魂猶憶壽杯傳春盤食菜思三九人日書幅誦
百千南國逢君唯道舊後時何處笑今年

又寄興化徐虞部

梅花狼藉拂輕舟人日溪行動客愁上國去程初北
首故山歸思滿東流垂々朝雨隨殘葉草々春蔬送
一甌不獨懷鄉便多感看人難似府君侯

人日書事

東溪先生

四十三年夢寐間夢中之夢不堪圓闕來世事同歸
盡得个人身似可伶分有窮通非我病天教畜產在
吾先自一日至六日雞犬藜藿一啜君休笑猶勝家無種
猪羊牛馬皆畜產

霍田

人日得人字韻五首

陰陽而上更無神密幹元樞運化輪齒髮變來雖故
我羽毛閱過乃新人口冰幽鳥初調弄腰局寒地學

欠伸受得吾身靈萬物毋因萬物役吾身
齋碗黃錢醮戶神戶開朝日滿銅輪覺來高枕五更
夢別是新年一个人脚騁勝遊無賽健眉逢樂事即
時伸身名并貨分差等誤認親疎即誤身
井花一掬深精神井上牙机轉輓輪煎餅露庭薰上
帝粧梅覆額惱佳人香蔬七種羨歐爽瑞象雙趨體
段伸奔世有身斯有患能知無我便無身
生涯耕李自願神不羨紆朱駕西輪戴命六牲皆統
日更新七畫別成人海棠雨過燕脂潑池皺風平越
穀伸萬物逢春猶振動肯將局踏束閑身
一盞勾芒酌種神禾田將動碾禾輪花間老少中分

景壠上閑忙折半人門館有春貧亦富林泉無位屈
而伸兩卮樽酒詩千首不負東皇不負身

新刊古今歲時雜詠卷第六



新刊古今歲時雜詠卷第七

古詩

上元

宴光璧殿詠遥山燈

陳後主

照耀浮輝明飄飄落燼輕枝多含樹影烟上帶珮生
雜桂還如月依柳更疑星園中鶴采鹿池上鳧飛驚

三善殿夕望山燈

重岫多風烟華燈此岫邊涸浦如珠露彫樹似花鈿
依樓雜渡月帶石影開蓮既有常滿照著與曉星連

上元夜於通衢建燈夜升南樓

隋煬帝



法輪天上轉梵聲天上來燈樹千光照花焰六披開
月影凝流水春風含夜梅幡動黃金地鍾發琉璃臺

和通衢建燈應教

諸葛穎

芳衢澄夜景法炬爛參差逐輪時徒燄桃花生落枝
飛烟繞定室浮光映瑤池重閣登臨罷歌管乘空移

上元夜効小庾體詩并序長孫貞隱

夫執燭夜游古人之意豈不重光陰而好娛樂哉且
星度如環晷纔周而已襲月華猶鏡魄哉生而遽圓
忽兮遇春俄兮臨望重城之扉四闢車馬轟闐五劇
之燈九華綺羅紛錯茲夕何夕而遨遊之多趨乎且
九谷帝畿三川奧域交風均露上分朱鳥之躔沂洛

背河下鎮蒼龍之闕多近臣之第宅即瞰銅街有貴
戚之樓臺自連金穴美人競出錦障如霞公子交馳
瑠鞍似月同遊洛浦疑尋稅馬之津爭渡河橋似向
牽牛之渚實昌年之樂事令節之佳遊者焉而戒曉
嚴鍾俄喧綺陌分空落宿已半朱城蓋陳良夜之歡
共發東春之藻仍為庾體四韻成章同以春為韻

崔知賢

今夜啓城闈結伴戲芳春鼓聲撩亂動風光觸處新
月下多遊騎燈前饒看人歡樂無窮已歌舞達明晨

同前

陳嘉言

今夜可伶春河橋多麗人寶馬金為絡香車玉作輪

連手窺潘椽分頭看洛神重城自不掩出向小平津

同前

韓仲宣

他鄉月夜人相伴看燈輪光隨九華出影共百枝新
歌鍾盛北里車馬沸南隣今宵何處好唯有洛城春

同前

高瑾

初年三五夜相知一兩人連鑣出巷口飛轂下池滑
燈光恰似月人面併如春邀遊終未已相歡待日輪

同前

陳子昂

三五月華新邀遊逐上春相邀洛城曲追宴小平津
樓上看珠妓車中見玉人芳宵殊未極隨意守燈輪

同前

長孫貞隱

薄晚嘯遊人車馬亂驅塵月光三五夜燈燭一重春
烟雲迷北閨蕭管識南隣洛城終不閉更出小平津

正月望夜上陽宮侍宴應制

薛曜

重闌鍾漏通夕敞鳳凰宮雙闕祥煙裏千門明月中
酒杯浮湛露歌曲唱流風侍臣咸醉止常慙恩造豐

十五夜觀燈

盧照隣

錦里開芳夕蘭缸艷早年縵彩遙分地繁光遠綴天
接漢疑星落依樓似月懸別有千金笑來映九枝前

夜遊

沈佺期

今夕重門啓遊春得夜芳月華連晝色燈影雜星光
南陌青川浦東隣紅粉粧管絃遙辯曲羅綺暗聞香



人擁行歌路車攢鬪舞場經過猶未已鍾鼓出長楊

正月十五日

蘇味道

火樹銀花合星橋鐵鎖開暗塵隨馬去明月逐人來
遊妓皆濃李行歌盡落梅金吾不惜夜玉漏莫相催

軒遊宮十五夜

明皇

行邁離秦國巡方赴洛師路逢三五夜春色暗中期
關外長河轉宮前淑氣遲歌鍾對明月不減舊遊時

正月望夜

郭利正

九陌連燈影千門度月華傾城出寶騎匝路轉香車
爛漫唯愁曉周遊不問家更逢清管發處處落梅花

元夕六首

崔液

今年春色勝常年此夜風光最可憐鳩鵲樓前新月

滿鳳凰臺上寶燈燃

玉漏銅壺且莫催缺關金鎖徹明開誰家見月能閑
坐何處逢燈不看來

神燈佛火百輪張刻像圖容七寶裝影裏如聞金口
說空中似散玉毫光

金勒銀鞍控紫駟玉輪朱幘駕青牛驂驛始散東城
曲倏忽還來南陌頭

公子王孫意氣驕不論相識也相邀最憐長袖風前
弱更賞新絃暗裏調

星移漢轉月將微露洒烟飄燈漸稀猶惜道傍歌舞



處踟躕相顧不能歸

十五夜御前口號踏歌詞二首

張說

花萼樓前雨露新長安城裏太平人
龍銜樹火千燈艷雜踏蓮花萬歲春
帝宮三五戲春臺行雨流風莫妬來
西域燈輪千影合東華金闕萬重開

和黃門舅十五夜作

蘇頲

聞君陌上來歌管沸相催孤月連明照
千燈合暗開寶裝遊騎出香繞看車迴
獨有歸閑意春庭伴落梅

正月十五夜應制

孫逖

洛陽三五夜天子萬年春綵仗移雙闕
瓊筵會九賓舞成蒼頡字燈作法王輪
不覺東方日遙隨御藻新

和聖製十五夜燃燈酺宴應制

王維

上路笙歌滿春城刻漏長遊人多晝日
明月讓燈光魚鑰通翔鳳龍興出建章
九衢陳廣樂百福透名香仙妓來金殿
都人逸玉堂定應偷艷舞從此享新粧
奉引迎三事司儀列萬方願將天地壽
同以獻君王

同揚比部十五夜遊有懷靜者雜言

承明少休沐建禮省文書夜漏行人息
歸鞍落日餘豈知三五夕萬戶千門闕
夜出曙翻歸傾城滿南陌



陌頭馳騁盡繁華
王孫公子五侯家
由來明月如白日
共道春燈勝百花
聊看侍中千餘騎
強識小婦七香車
香車香車寶馬共喧闐
箇裏多情俠少年
競向長揚柳市北
肯過精舍竹林前
獨有仙郎心寂寞
寔却將宴坐為行樂
傥覓忘懷共往來
幸霑同舍甘藜藿

上元夜憶長安

顧况

滄洲老一年老去憶秦川
處逢珠翠家聽管絃
雲車龍闕下火樹鳳樓前
今夜滄洲夜滄洲夜月圓

觀燈

張蕭遠

十萬人家火燭光
門門開處見紅粧
歌鍾喧夜更漏暗
羅綺滿街塵土香
星宿別從天畔出
蓮花不向水

中芳寶釵驟馬多遺落
依舊明朝在路傍

元夕觀燈

王湮

暫得金吾夜
通看火樹春
停車傍明月
走馬入紅塵
奴雜歌偏勝
場移舞更新
應須盡記取
說向不來人

正月十五夜

熊孺登

漢家遺事今宵見
楚郭明燈幾處張
深夜嬌歌聲絕後
紫姑神下月蒼

上元紫極宮門觀州民燃燈張樂

羊士諤

山郭通衢隘
瑤壇洞府深
燈花助春意
舞綴識歡心
閑似淮陽卧
恭聞樂職吟
唯將聖明化
聊以達飛沉



洛陽晝夜無車馬漫挂紅紗滿樹頭見說平時燈影
裏玄宗潛伴太真遊

影燈

元稹

正月十五夜月

歲熟人心樂朝遊復夜遊春風來海上明月在江頭
燈火家家市笙歌處樓無妨思帝里不合厭杭州

上元夜東林寺學禪偶懷藍田楊主簿

因呈智禪師

白居易

新年三五東林夕星漢迢迢鍾梵遲花縣當君行樂
處松房是我坐禪時忽看月滿還相憶始歎春來自
不知不覺定中微念起明朝更問鴈門師

長安上元日

誼誼車騎帝王州羈病無心逐勝遊明月春風三五
夜萬人行樂一人愁

上元日二首

唐文宗

上元高會集羣仙心齋何士欲祈年丹誠傥徹玉帝
座且共吾人慶大田

莫生三五葉初齋上元羽客出桃蹊不愛仙家登真
訣願蒙四海福黔黎

上元夜建元寺觀燈呈智通上人

章碣

建元看別上元燈處、回廊鬪火層珠玉亂拋高殿



佛綺羅深拜遠山僧臨風走筆思呈惠到曉行禪合
伴能無限喧闐留不得月華西下露華凝

上元夜燈

開元雜曲中題

張祜

千門開鑠萬燈明正月中旬動帝京三百內人連袖
舞一時天上著詞聲

上元夜聞京有燈恨不得觀

李商隱

月色燈光滿帝都香車寶馬隘通衢身閑不覩中興
盛著逐鄉人賽紫姑

觀山燈

徐尚書并序

段成式

尚書東苑公鎮襄之三年四維具舉而仍歲穀熟及
上元日百姓請事山燈以報穰祈祉也時從事及上

客從公登城南樓觀之初爍空熈谷漫若朝炬忽驚
征燒巷風撲緣一峯如塵烘柿色如波殘鯨鬣如霞
駁如珊瑚露如丹虵蚊離如朱草襲藂如芝之曲如
運之孽布字而疾抵電書寫塔而爭同蜃構亦天下
一絕也成式辭多嗤累學未該悉策山燈事唯記陳
後主宴光壁殿遙詠山燈詩云雜桂還如月依柳更
疑星輒成三首以紀壯觀
風杪影凌亂露輕光陸離如霞散仙掌似燒上娥媚
道樹千花發扶乘九日移因山成眾像不復藉蟠螭
踴出多寶塔往來飛錫僧分明三五月傳照百千燈馴
狝移高炷度雲遮半層夜深寒燭白猶自綴金繩

磊落風初定，輕明雲乍妨。
疎中搖月綵，繁處雜星芒。
火樹枝柯密，燭龍鱗甲張。
窮愁讀書者，應得假餘光。

奉和

溫庭皓

一峯當勝地，萬點照嚴城。
勢異崑崗發，光疑玄圃生。
焚書翻見字，舉燧不招兵。
况遇新春夜，何勞秉燭行。
九枝應並耀，午夜思潛然。
景集青山外，螢分碧草前。
輝華侵月影，歷亂寫星躔。
望極高樓上，搖光滿綺筵。
春山收暝色，燭火集餘輝。
鹿景饒紅燭，祥光出翠微。
白榆行自比，青桂影相依。
唯有偷穴客，追遊欲忘歸。

奉和

韋蟾

新正圓月夜，九里看燈時。
累塔嫌沙細，成文訝筆遲。
歸

牛疑燧落過，雁悞書遺生。
惜蘭膏盡還為隔，歲期舉燭光纔起。
揮毫勢竟分，點時驚墜石。
挑處接崩雲，辭異秦丞相。
銘非寶冠軍，唯愁殘燭落。
逢五亦俱焚，多寶神光動。
生金瑞色浮，照人低入郭。
伴月更當樓，熏穴應無取。
焚林固有求，夜闌陪玉帳。
不為九枝留，上元日寄湖杭二郡從事李郢

戀別山燈憶水燈，山光水燭百千層。
謝公留賞山公喚，知入笙歌阿那朋。

紫極宮上元齋次呈諸道流

碧簡朝天章奏頻，清宮髣髴降靈真。
五龍金角向星斗，三洞玉音愁鬼神。
風拂亂燈山磬，露沾仙杏石



壇春明朝醮罷羽客散塵土滿城空世人

上元日道室焚脩寄龔美 陸龜蒙

三清今日聚靈官玉刺齋抽謁廣寒執蓋冒花香寂
歷待晨交珮響闌珊執蓋侍晨皆將排鳳節分階易欲
校龍書下筆難唯有世塵中小兆夜來心拜七星壇

次韻

皮日休

明真甚上下仙官玄藻初吟萬籟寒飈御有聲時香
杳寶衣无影自珊珊藥書乞見齋心易玉籍求添拜
首難端簡不知清景暮靈蕪香燼落金壇

上元日惜春寄龔美

陸龜蒙

六分春色一分休滿眼東波盡是愁花匠礙寒應凍

手酒龍多病尚垂頭無窮懶隨齊中散有底機謀敵
右侯見說短蓬裁小檝擘烟閑弄箇漁舟

奉酬惜春見寄

皮日休

十五日中春日好可憐沉痾冷如灰以前雖被愁將
去向後須教醉領來梅片盡飄輕粉靨柳芽初吐爛
金醅病中無限花番次為約東風且住開

影燈夜二首

薛能

偃王燈塔古徐州二十年來樂事休此日將軍心似
海四更身領萬人游
十萬軍城百萬燈酥油香煖夜如蒸紅粧滿地烟光
好祇恐笙歌引上昇



丁巳上元日放二雉
嬰網雖皆困褰籠喜共歸無心期爾報相見莫驚飛

新刊古今歲時雜詠卷第七

新刊古今歲時雜詠卷第八

今詩

上元

惠州上元

東坡

前年侍玉案一作端門萬枝燈壁月掛梁
毳珠星綴觚稜去年中山守老病亦宵興
紅旗穿夜市鏡馬響春冰今年江海上雲房
寄山僧亦復舉膏火松開見層層散策
枕榔林疎月翳鬢曾使君置酒罷簫鼓轉松
陵狂生來索酒賈道人也一飲輒數升浩歌出門去我亦歸曹騰

次韻劉景文路分上元



華燈闕艱歲。恰月掛空府。三吳重時節。九陌自歌舞。
云從月幾望。遂至一百五。嘉辰可屈指。樂事相繼武。
今宵掃雲陣。極目淨天宇。嬉遊各忘歸。闐咽頃未覩。
飛球互明滅。激水相吞吐。老去反兒童。歸來面鏡鼓。
新年消暗雪。舊歲添絲縷。何時九江城。相對西漁父。
于舊欲卜居廬山
景文近買宅江州

和蘇州太守王規甫侍太夫人觀燈之
什余時以劉道原見訪。滯留京口不及
赴此會二首

不覺朱幡輾後塵。爭看繡幃錦纏輪。洛濱侍後三人
貴。京兆平反一笑春。但逐東山携伎女。那知後閣走

窮賔。滯留不見禁。華事空作賡詩第七人

翻、緹騎走香塵。激、飛濤射火輪。美酒留連三夜
月。豐年傾倒五州春。時浙西皆以不熟
罷燈蘇州獨盛安排詩律追強對
贈。澄歸期為惡賔。墮珥遺簪想無限。華胥猶見夢四人

祥符寺九曲觀燈

紗籠擎燭逢門入。銀葉燒香見客邀。金鼎轉丹先吐
夜。寶珠穿蟻鬧連朝。波翻焰裏元相激。魚舞湯中不
畏焦。明日酒醒空想像。清吟半逐夢魂銷。

戊寅上元過子赴使君會

使君置酒莫相違。守舍何妨獨掩扉。坐看月窓盤蜥
蟻。靜聞風幔落蜘蛛。燈花結盡吾猶夢。香篆殘時汝



欲歸搔首淒涼十年事。傳柑歸遺滿朝衣。

庚辰上元示過次舊韻

春鴻社燕巧相違。白鶴峯頭玉掖扉。石建方欣洗滌
廁。姜龐不解歎蟪蛄。一龕京口嗟春夢。萬炬錢塘憶
夜歸。合浦買珠無復有。當年笑我泣牛衣。出余人守舍作違字韻今庚辰上元已再暮矣家在惠州白鶴峯下過子夜不眷婦子從余此來其婦亦篤孝悵然感之故和前扁有石建姜龐之句又復憚之同安君李章故復有牛衣之句悲君亡而喜余存也

次韻頴叔觀燈

安西老守是禪僧。到處應燃無盡燈。永夜出遊從萬
騎。諸羗入看擁千層。便因行樂令投甲。不用防秋更
打冰。振旅歸來還侍燕。十分宣勸恐難勝。

次韻王晉卿上元侍宴端門

月上九門開。星河繞露臺。君方枕中夢。我亦化人來。
光動仙球縵。香餘步輦回。相從穿萬馬。哀病若為陪。

上元侍飲樓上三首呈同列

澹月疎星遠。建章仙風吹。下御爐香侍。臣鵠立通明。
觀一朵紅雲捧玉皇。

薄雪初消野未耕。賣薪買酒看升平。吾君勤儉倡優
拙。自是豐年有笑聲。

老病行穿萬馬羣。九衢人散月紛紛。歸來一點殘燈
在。猶有傳柑遺細君。

四十年前元夕與故人夜遊得此句



午夜隴、淡月黃、夢回猶有暗塵香。縱橫滿地霜。槐影寂寞蓮燈半在亡。

題祥符久師房上元日

門前歌鼓闕分明。一室蕭然冷欲冰。不抱琉璃閑照佛。始知無盡本無燈。

次韻定國上元閑遊見寄三首黃門

弃擲良宵君謂何。清天流月鑑初磨。莫辭病眼羞紅燭。且試春衫剪薄羅。蓮艷參差明繡戶。舞腰輕瘦歛驚駢。以年微服天街闊。何處相逢解佩珂。繁燈厭倦作閑遊。行到僧居院、留月影隨人深有意。車音爭陌去如流。酒消鑿落寧論斗。魚照琉璃定

幾頭過眼煩華真。一夢終宵寂寞未應愁。

燈火熏天處、同暗遊。應避柏臺駸。高情自放喧闐外。勝事偏多淡泊中。平日交游徒夢想。都留歌吹憶年豐。知君未有南來意。歸去相從光與鴻。

上元後一日觀燈寄王四

城頭月減一分圓。城裏人家萬炬然。紫陌羣遊逢酒住。紅裙醉舞向人妍。且將行樂終今夕。共道重來便隔年。遙想猖狂夜深處。河沙飛水濕歸鞵。

上元夜作

司馬溫公

老去年華祇自驚。又逢嘉節向新城。春凌半夜寒猶重。月到中天色更清。上客風流連宿醉。遊人歌調得



新聲。遙思鳳闕行時令。紅繖朱欄萬燭明。

和次道太慶殿上元迎駕

鳳律年華到尚新。九重氣象已成春。片雲低拂羽林
仗。宿雨先清紫陌塵。玉殿鳴鞘傳警蹕。彤庭委佩集
簪紳。闈前無復龍魚戲。自有騅遊億萬人。

閏正月十五夜監直對月懷諸同舍二首

霧淨金波溢。天高碧幕空。夜寒雖料峭。春意自冲融。
熠枝上露脩。竹杪風蹶還。林野興不似。畜樊籠。
澹薄春雲散。低昂北斗橫。微分漠津雁。靜識建章更。濁
酒怜虛爵。高文憶友生。前軒空不掩。悵息負孤清。

和子淵元夕

神降蕉菴闕角齊。銀蟾無影玉繩低。風傳絲管交加
發。燈滉星河上下迷。清醴橫飛金鑿落。香塵不染錦
鄣泥。誰知此夕齊桐客。近在宮城槐柳西。

上元書懷

老去春無味。年、竟病添酒。因脾積斷燈。為目痾嫌。
勢位非其好。紛華久已厭。唯餘讀書樂。暖日坐前檐。

和子華相公上元遊園二首

明月華燈望衆樂。寒梅危榭與公遊。擯宵午枕蠲春
困。准擬連宵醉玉甌。
梅簇荒臺自可差。相君愛賞忘宵遊。未言美實和羹
味。且薦清香泛酒甌。



上元戲呈貢父

王介甫

車馬紛紛白晝同。萬家燈火暖春風。別開閭闔壺天外。特起蓬萊陸海中。盡取繁華供俠少。只分牢落與衰翁。不知太一遊何處。定把青藜獨照公。

上元從駕集禧觀

昭陵持橐從遊人。更見熙寧第四春。寶構中開移玉座。華燈錯出映垂紳。樓前時看新歌舞。仗外還如舊徼巡。投老逢時追往事。却令愁思度天津。

癸卯追感正月十五日事

正月端門夜。金輿縹緲中。傳觴三鼓罷。縱觀萬人同。警蹕聲如在。嬉遊事已空。但令千載後。追詠太平功。

上元夜戲作

馬頭乘興尚誰先。曲巷橫街一一穿。會道滿城無國豔。不知朱戶鎖嬋娟。

和孫右司沅州道上過元夕

張無盡

三五皇州夜色鮮。使華方事武陵蠻。華燈貌想端門外。翠輦初臨太一還。月滿九衢聞舜樂。雲開雙闕是堯顏。自怜風雨新城道。步彼崔嵬我馬艱。

平陽道中過上元

元夕吾何處。吾行次晉郊。樂棚垂葦席。燈柱縛松梢。狸婦朱雙臉。村夫赤兩髽。春田誇積雪。酒膽醉仍抄。



上元秭歸溪西社人點燈二首
百丈遊燈遶石坡溪西保社事黃魔草花灼，迎新
福腰鼓擊，踏舊歌

秭歸上元
溪西燈社寶蓮臺一點光明遠更開料得常陽宮裏
見却疑仙火下雲來

次韻子瞻元夕扈從端門三首黃魯直
赭黃織底望龍章不斷唯聞寶炬香一片韶音歸複
道重瞳左右列英皇
端門魏闕鬱崢嶸燈火成山輦路平不待上林鶯百
轉教坊先已進春聲

仗下蕃夷各一群機泉如雨自繽紛諦觀香案傍邊
吏却是茅山大小君

和宋中道元夕十一韻 梅聖俞

鼓聲闐，衆戲屯百仞水華臨端門端門兩箱多結
綵公卿嬌女爭交奔接板連簾坐珠翠簾疎不隔天
妍存車駕適從馳道入燈如撒星天向昏赭衣已御
鳳樓上露臺宣看簇鈿轅山前絳綃垂霧薄火龍矯
矯紅波翻金吾不飭六街禁少年追逐乘大宛呼庖
索醕閨豐美東市憧，西市喧持錢不數買歌咲玉
杓注飲琉璃盆小而精悍監主簿夜對經史多討論
比諸豪俠乃自苦明日首宿盈盤冷

正月十五夜出迴

不出只愁感世遊將自寬貴賤依倚匹心復殊不歡
漸老情易歇欲之意已闌却還見兒女不語鼻辛酸
去年與母出學母施朱丹今母下泉垢面衣少完
念爾各尚幼藏淚不忍看推燈向壁卧肺腑百憂攢

和宋中道元夕

結山當衢面九門華燈滿國月半昏春泥踏盡游人
繁鳴蹕下天歌吹喧深坊靜曲走車轆爭前聞盛亡
卑尊靚粧麗服何乘温交觀立視各吐吞磨肩一過
難久存眼尾獲笑迷精魂貂裘比比王淚孫夜闌鞍
馬相馳奔

上元從主人登尚書省東樓

閭闔前臨萬歲山燭龍銜火夜珠還高樓迎出星辰
裏曲盖遙瞻紫翠間輶輶車聲碾明月參差蓮焰競
紅顏誰教言語如鸚鵡便著金籠密鎖閑

自和

沉水香焚金博山杜陵誰復與車還馬尋綺陌如何
曲人在珠簾第幾間法部樂聲長滿耳上樽醇味易
駝顏更貧更賤皆能樂十二重門不上關

又和

康莊咫尺有千山欲問子姑應已還人似常娥來陌
上燈如明月在雲間車頭小女雙垂髻簾裏新粧一

破顏却下玉梯雞已唱謾言齊客解偷閑

和宋中道元夕

春風來解吹殘雪燈燭迎陽萬戶燃競看繁星在平地不妨明月滿中天赭袍已向端門御仙曲 聞法部傳車馬不閑通曙色康莊時見拾珠鈿

和王景彞正月十四日夜有感

燈光暖熱夜催春天半樓開飲近臣馳道橫頭起山岳露臺周匝簇車輪隔簾艷色多相照下馬輕豪各競新我已暮年殊趣嚮濃油一盞按邊身

次韻和景彞元夕雨晴

春雲收暮城九陌洒然清星出紫霄下月從滄海明

車音還似晝鼓響已知晴靜閉 門卧無心學往生

元夕同次道中道平叔如晦賦詩得閑字

金輿在闔闔蕭吹滿人寰九陌行如晝千門夜不閑星通河漢上珠亂里閭問誰與聯輕騎宵長月正閑

上元夜雪有感

去年昭亭陽今夜苦風雪及雪在京城宵燈亦將滅石花廣袖輕梅蘂新粧潔忽忽競還家陌上亂車轍

上元雪

春雪如蝴蝶春燈如百花漫、飛不已愁殺千萬家我今無復夢擁被讀南華

次韻王景彞正月十六日夜省宿過景



靈街

官街不閑東城月圓影繞虧夜色春自躍金羈來宿
省從他錦帳欲誇人燈光遠近疑 晝歌管高低競
起塵我老都無游樂意似君清枕睡侵晨

上元夕有懷子華閣老

一歲老一歲新年思舊年東樓嘗共望九陌飛爭先
白髮更中笑舞姝應轉妍追隨都已倦強對月明前

上元輦下觀燈

韓資政頌

絳焰疑空照寶其至月華通夕九門開倚歌玉筦能
高下街詔丹鳧自去來仙醴沉酣遼海使風詞雄麗
帝王材為民祈福年事長對南山把壽杯

和上元日遊陌園賞梅花

司馬櫛

梅簇荒臺自可羞
梅簇荒臺自可羞
梅簇荒臺自可羞
想君愛賞忘宵遊
未言美實和羹
味且薦清香泛酒甌

上元口号

張正己

綉車簫鼓動香街
鏡鑠龜城度曉開
仙鳳傳香留蜀
國夜龍嚼燭上蓬萊
月如流水隨天遠
人似天桃出洞來
無限風光追不盡
只驚信馬到瑤臺

和魏衍元夜同登黃樓

陳無已



車馬競清夜人物秀三楚登臨得免俗茲樓豈時睹
同來兩稚子冠者亦四五落落俱可人頗亦厭歌鼓
山月出未高潛鱗動寒浦檣燈接踈星奪日粲不數
魏侯轉物手百好趨就叙得句未肯吐秀氣出眉宇
水淨納行影山空答脩語夜氣稍侵肌烏駭去其侶
清游豈有極喜事戒多取投靜未免喧于今豈非古
永懷寂寞人南北忘在所橫嶺限魚鳥作書欲誰與
情生文自哀意動足復佇憑檻共一默望舒已侵午

和元夜

笳鼓喧燈市車輿避火城彭黃爭地勝汴泗迫人清
梅柳春猶淺閨山月自明賦詩隨落筆端復可憐生

上元家飲值文安君誕辰

張文潛

新正值嘉節時雨霽良宵林垆敞梵刹香煙羶白毫
士女傾都出夾路輪蹄驕誰能衡茅下寂寞守無聊
載御芳蘭饌無辭玉色醪况值私庭慶祝壽比蟠桃

壬午正月望夜赴臨汝宿襄城古驛縣
有古寺家人輩亦往焚香襄城古邑也
可以眺二室地爽塏退之所謂潁水嵩
山豁眼明者癸未元夕謫若齊安携家
游定惠妙圓承天大雲東禪蓋出兩夜
有感示拒秭

江城收燈寒寂歷里巷閉門不復出蓬茅數屋逐臣



廬門前樵牛卧斜日老人擁褐爐前睡眠冷不眠思
往事去年襄城古驛亭郵縣風埃尋古寺周楚川原
氣象存岷山紫羅秀連雲地留寶鼎周京貴山拱泥
金神岳尊齊安江上漁樵市誰料今年身到此大江
遶郭風濤翻城中岡壠無平地青紅剪綵奎影燈漁
夫樵婦來相仍短箫急鼓郭兒女叢祠夜半鸕鷀驚
浮生夢境何足計呼童且閉柴門睡百年江上誰得
知千木隨身聊一戲

上元日早起贈同遊者

夜長人散殘更月晚陌空存車舊轍彩燈城市已春
風枯木人家猶臘雪強起相逢酒未醒殘膏宿火尚

熒、歸來更拂障泥錦重約黃昏信馬行

上元思京輦舊游三首

萬雉春城碧絳宵上元彫輦盛遊遨避、瑞日低黃
繖燦、榮光上赭袍雲卷珠簾開綵雉山蟠玉闕枕
仙輦長安一別將華髮溪竹山松夜寂寥
九門燈火夜交光羅綺風寒撲鼻香信馬恣穿深柳
巷隨車偷看隔簾粧身抽薄宦安知樂心逐流年暗
減狂留滯山城莫嗟嘆漢貂從古屬金張
隨計當年寄玉京一時交結盡豪英倒觥零亂迷籌
飲醉帽斜欹並轡行仕路飛騰偷俊捷山城留滯感
功名佳辰強酌清樽酒寒氣蕭、月正明



和宋二上元迎駕

拜揖清光咫尺間，彫輿欲度更材班。
蓬萊不動鰲頭穩，閭闔未開天上閑。
是去官屋簡策春來歸，夢滿淮山自慚衰病猶隨俗醉逐游人月下還。

上元後步西園

物態欣，換舊年收燈城市却蕭然。
風光欲到冰霜樹，日月初回雨露天。
近水遠山情杳，碧雲芳草思綿，酬春欲辨千釭酒，洒掃花前作醉眠。

上元夜得三絕句

清晨謁帝大明宮，拜賜歸來夜過中。
末在秘書近十年無歲元晨趨大慶迎駕近脫駕回駐大度門上宰相已下皆皆賜茶酒拜謝退率一二同舍擇勝處縱觀至夜分醉歸歲率以為常一夢十年身老

矣山成風月是過從

沽酒壚邊人若市，美商亭下浪翻天。
張君官況今如此，豈有功夫作醉眠。

江邊燈火似秋螢，哀怨山歌不忍聽。
自恠今春牢落甚，禪房止酒讀騷經。

上元阻雪和景方

羨君年少盛游春，願我無寥似厄陳。
東市牛車泥到領，不勞舉袂障衣塵。

正月十八日四絕句

幽人睡足聞春鳥，共喜暉，日滿籬里卷收燈。
人寂寞隣家夫婦賃春歸。



收燈城市接荒村翁媪耽眠日已曷何事牧童能早
起緩驅白古出柴門
道傍蘭若冷於秋迎客開門一比丘夜夕無人風露
冷空廊飢鼠竊膏油
山下書生業讀書荻籬葛蔓避人居最怜無柰窮耽
酒時遣羸童致一壺

奉和 聖製上元夜

晏殊

蘭燈照夕開南闕星弁飛綏拱北辰在鎬正逢全盛
日祝堯皆是太平人流風舞妙翻成字積雪歌長迥
遶塵鸞鵲寶函頌睿什明良賡載想同倫
扈從觀燈

詰旦雕輿下桂宮盛時為樂與民同三千世界笙歌
裏十二都城錦繡中行漏不能分晝夜遊人無復辨
西東歸來更坐嶠峽闕萬樂錚鏘密炬紅

奉和 聖製上元夜

勾芒司節令鶉火中星規廣陌消塵露重城集宴嬉
仙韶聞玉琯寶焰列瓊枝萬國同嘉會胥庭即此時

奉和 聖製上元三首

協風陽律應滿茨砌莫新絳闕羅千衛華燈曜百輪
悠々未央夜粲々彼都人萬寓今無外登臺共樂春
鳳掖千門迥金釭四照然市闌通夜闕歌肆與雲連
壘鼓迷清漏遊車際曉天泛膏仍潔祀蚕麥佇登年

鷓鴣火告中時皇州盛若茲九陽同化洽萬彙得春熙樓
月將收晚歌雲欲度遲布和周海域翺蠕遂收宜

上元夕次韻答張諫議

歌吹歡娛夕衡門耳屬垣九城寒漏徹三市寶燈繁
目想嵇山醉詩慙謝藥翻如容陪後乘那避八駟喧

次韻和天章范侍制上元從幸會靈觀

春冀欲滿枝荷橐從遊時旭日生華蓋靈風入羽旗
酒舍珊玉淺香度博山遲共識天顏近都忘晝漏移

丁卯上元燈夕二首

九衢風靜燭無煙寶馬香車往復還三十三天應降
瑞盡移星斗照人間

百萬人家用不扁管絃燈燭沸重城遊車正滿章臺
陌為報天雞莫浪鳴

正月十九日京邑上元收燈之日

星逐綺羅沉曙色月隨絲管下層臺千蹄萬轂無尋
處祇似華胥一夢迴

元夕

星架寶燈連九市水流香轂渡千門姮娥有似隨人
意柳際花前月半昏

上元日詣昭應宮分獻凝命殿以憲職
不預班從獨歸書事

別殿香三炷斜廊酒一杯官閑非侍從騎馬却歸來

元席呈冲卿侍郎

范資政

人間勝事不常有自古年華無重回
半夜飛雲併行月平明微雨拂輕埃
蓮花正在山頭發桃樹應從洞裏開
寄語扶君急行樂省闈看是辟書來

上元有感

歡勢五千仞蓮花千萬枝宛然明月夜
非是少年時已自歡悰少那堪官緒羈
人言急行樂何似且遲遲

上元觀燈

吳龍圖

萬家羅綺競喧闐樂事能并在錦川
蘭燭連衢千計爛冰輪此夕十分圓
喜逢蜀國尋春日正是摩陀供佛天
人物熙熙醒醉裏却思風景似當年

和

樊著作

通霄車馬鬪駢闐競賞華燈遍蜀川
舞袖有時回雪妙歌聲到處貫珠圓
銀缸弄影將殘夜玉魄無輝欲曉天
誰識藩侯與民樂蚩蚩猶望乞豐年

長安上元

賈崇儀

雍國唯今夜通衢嘉致新朱樓萬家月
芳樹一城春遠近笙簧韻往來車馬塵
星移天欲曉由有未歸人

上元景燈紀事

宋景公

泛膏聞舊典秉燭嗣芳辰霞破初迎月
寒林即讓春鈞天移帝樂北斗下城闈
匝地沉香燎浮空羅襪塵並珂馳寶校
分憶鷺彫輪忽去騰夷路還來競要津



酒胡矜耐美梅額銜粧新誰見甘泉時昏祠遂至晨

元夜觀正陽錫宴

雲端燒闕下呼鞭絲樹遙分坐逝前山戲百層平樂
地佛輪千影瑞陀天祥風入助銀花麗寶月來供雉
扇圓獻歲承平多樂事擊鞞誰美唱唐年

上元日駕幸太一宮燒香

孫樞密固

金輿晨動暖風微比屋歡呼望帝暉天喜宴開祈福
館雲深香滿侍臣衣九韶鳳舞當雙闕萬燭龍趨護
六飛為與吾民同樂事月寒猶未下端闈

恭和

呂相公著

雪消春動氣清微夾道都人望帝暉法部已調孫竹

管御袍初進赭紅衣康衢弭節嚴三衛真館焚香降
六飛宴罷瑤池回蹕晚五雲通夜擁端闈

恭和

韓相公績

落星垣下紫微亭黃繖麗晴暉清都窈窕琳為
館絳節森羅羽衣夷樂造庭隼鶴舞華燈填道六
龍飛樓前萬衆齊傾首髣髴消垠認帝闈

上元日

劉筠

漢典久傳祠太一竺墳亦說會天人蟾蜍吐耀祥輪
滿齒齒凝華寶擊新風轉相竿來帝樂香焚夾道雜
車塵承平多慶羣歡洽益見嚴宸奉紫旻

奉和

聖製上元

瑞英盈端月神燈燦寶輝執金停徽騎生狄敬朝扉
激徵清歌歇晞陽醉客歸可封家自樂不獨在輕肥

奉和 御製上元二首 楊億

五鼓遲春漏千燈晃夕輝暗塵迷繡轂嚴籥啟金扉
兆角歌相續旗亭醉不歸多歡逢舜旦薰唱致民肥
習、條風上元夕皇、盛服彼都人泛膏寶典吳祠
舊試鼓漁陽禰曲新金界千輪凝佛火香街萬室待
車塵初年行樂羣心悅景福穰、錫九旻

闕下元夕會飲寄大有 豹林先生

月華蕭洒始徘徊時赴平津雅宴開照座玉山皆俊
彩鷺人綺句盡仙才秋風未泛鷗夷檝浮世猶登郭

隗臺的被隣翁深鄙謂尚迷繁盛不歸來

元夕感事悼季女之亡 崔正言

簫鼓無聲霧月昏焚香燒燭為招魂空搢老淚窺簾
幕不見吾兒入畫門

上元夕觀燈四絕 韓子蒼

百千燈射水晶簾尚覓遊人意未厭衰病只思田舍
樂夜歸煙火望苑簷

五柞芙蓉院、明博山玉度小崢嶸直言水北人稀

到也有槃珊勃窣聲漢書云婦人行貌

淡、新粧帶淺啼催車只待日平西驂駟定自知

人意散入千花了不嘶

開卷愛公如李益解言明月逐人來多情好共春流
轉刻燭催詩又一迴

上元喜雪

楊齊

靈威手擊蒼龍鞭和風一道飛騰天天公欲報大有
歲六花助與芳菲權紫姑雲輦歸時節太公碾碎枕
椰葉曉來樓閣萬家春白玉鴛鴦瓦新疊壠頭耕父
披單褐望歲欣々掉歌舌王孫却恨此宵寒蘭膏凍
黑香輪滑

元夕陪韓史君山前宴飲

余安行

上元燈燭何煌々笑蕖萬朵呈春芳流星幾點墜平
地化作球燭懸康莊我公高才作太守與民快樂謠

時康高結山樓躡雲漢森列萬象如飛揚炬盆焰々
輝北斗黃金點々飛紅光闐然鼓樂奏雜遝洞天隱
隱聲何長盛開華筵宴僚屬妖姬舞妓妍新裝優排
戲劇盡堪樂遊人士女如堵墻休誇蓬萊第一島只
比仙境猶相望我公欣逢好時節爛然一舉嚼百觴
佇觀飛詔歸帝鄉他年遺愛留甘棠

應求上元長葛與同僚出城

清晨出城西聯騎馳郊疆平蕪淨原野古木間青蒼
春首月方半微風扇春陽曉寒輕料峭暖日暉輝光
馬逸道且平疾驅無遽遑捨馭古祠下杖藜緣高崗
危亭極目界西眺嵩與邛邑古公事簡為僚非忘荒



載酒訪春華寧辭疾飛觴興盡相言旋仰看歸羽翔
予在東袁日應求寄此二詩來謾錄之

上元至南劍州大雨寄泉州許通判

蔡襄

路遶溪回不計程行郵今復宿延平陰雲藏月不知
處急雨落天無數聲病起尚疑群蟻鬪夢餘初聽一
鷄鳴泉山去歲同遊賞唯有之君識此情

上元伏覲御駕時御端闈宣諭臣寮上
元覲燈以為遊賞與萬民同樂

疊簪青峰寶炬森端闈初晚翠華臨宸遊不為三元
夕樂事全歸萬衆心天上清光開夜色人間和氣却

春陰要知盡作華封祝四十年來惠化深

上元朱君輔泊諸公同飲

故國逢君慰喜偏清宵行醺重留連山樓上火人初
合天漢無雲月自圓樂色時聞花院裏春風都在酒
旗邊莫辭徹曙須沉醉後會還應不計年

和人上元回紋

東溪先生

情感此宵元切恨遣懷高唱一聲歌清燈月滿鋪達
路烜赫蓮開未綠荷觥酒帶時追伴侶袖香凝處想
紈羅更深候望遙腸斷爽約人歸不我過



新刊古今歲時雜詠卷第九

古詩

晦日

晦日泛舟應詔

盧元明

輕灰吹上管落棠飄下帶遲遲春色華晚、年光麗

同前

魏收

裊、春枝弱、閑、新鳥呼、棹唱忽、透、迤、菱歌時、顧、慕、
睿賞芳、月色宴言忘、日暮游、豫、慰、人心、照、臨、康、國、步

月晦

唐太宗

晦魄移、中律凝、暄、起、鹿、城、罩、雲、朝、蓋、上、穿、露、曉、珠、呈、
笑、樹、花、分、色、啼、枝、鳥、合、聲、披、襟、還、眺、望、極、目、暢、春、情



晦日高文學置酒林亭二十一首陳子昂序

夫天下良辰美景園林池觀古來遊宴歡娛衆矣然而地或幽偏未覩皇居之盛時終交喪多阻升平之道豈如光華啓旦朝野資歡有渤海之英宗是平陽之貴戚發揮形勝出鳳臺而嘯侶幽贊芳辰指雞川而留宴列珍羞於綺席珠翠琅玕奏絲管於芳園秦箏趙瑟冠纓濟濟多延戚里之賓鸞鳳鏘鏘自有文雄之客搃都畿而寫望通漢苑之樓臺控伊洛而斜臨神仙之浦淑則有都人士女俠客游童出金市而連鑣入銅街而結駒香車繡轂羅綺生風寶蓋瑯玕珠璣耀日于時律窮太簇氣淑中京山河春而霽景華

城闕麗而年光滿淹留自樂玩花鳥以忘歸歡賞不疲對林泉而獨得偉矣信皇州之盛觀也豈可使晉京才子孤標洛下之游魏室羣公獨擅鄴中之會蓋各言志以紀芳遊同探一字以華為韻

首賦

高正臣

五月符嘉節三春玩物華忘懷寄樽酒陶性狎山家柳翠含煙葉梅芳帶雪花光陰不相惜遲、落景斜

同前

崔知賢

上月河陽地芳辰景望華綿蠻變時鳥照曜起春霞柳搖風處色梅散日前花淹留洛城晚歌吹石崇家

同前

陳子昂



尋春遊上路追宴入山家主第簪纓滿皇州景望華
玉池初吐溜珠樹胎開花歡娛方朱極林閣散餘霞

同前

韓仲宣

欲知行有樂芳罇對物華池接安仁縣園是季倫家
柳處雲疑葉梅間雪似花日落歸途遠留與伴煙霞

同前

王勣

上序披林館中京視物華竹窓低露葉梅迳起風花
景落春臺霧池侵舊渚沙綺筵歌吹晚暮雨泛香車

同前

周孝昭

勝地臨雞浦高會偶龍沙御柳驚春色仙筇掩月華
門邀千里馭杯泛九光霞日落山亭晚雷送七香車

同前

張錫

雪盡銅駝路花照石崇家年光開柳色池影泛雲華
賞洽情方遠春歸景未賒欲知多暇日罇酒漬澄霞

同前

高球

溫洛年光早皇州景望華連鑣尋上路乘興入山家
輕苔網危石春水架平沙賞極林塘暮處起煙霞

同前

弓嗣初

上序春暉麗中園物候華高才盛文雅逸興滿煙霞
參差金谷樹皎鏡碧塘沙蕭散林亭晚倒載欲還家

同前

高瑾

試入山亭望言是石崇家二月風光起三春桃李華



鶯來上喬木鴈往息平沙相看會取醉寧知還路賒

同前

王茂時

勝踐尋良會乘春玩物華還隨張放友來向石崇家
山水分巖鏡開庭枕浦沙未極林泉賞參差落照斜

同前

周思鈞

早春驚柳燧初晦掩莫華騎出平陽里筵開衛尉家
竹影含雲密池紋帶雨斜重惜林亭晚上路滿煙霞

同前

徐皓

綺筵乘暇景瓊醕對年華門多金埒騎路引璧人車
蘋早猶藏葉梅殘正落花藹々林亭晚餘興促流霞

同前

長孫貞隱

晦晚屬煙霞遨遊重歲華歌鍾雖戚里林援是山家
細雨猶開日深池不漲沙淹留迷處所巖岫幾重花

同前

高紹

嘯侶入山家臨春玩物華葛絃調綵水桂醕酌丹霞
岸柳開新葉庭梅落早花興洽林亭晚方還倒載車

同前

郎餘令

三春林晦節九谷泛年華半晴餘細雨全晚澹殘霞
樽開踈竹葉管應落梅花興闌相顧起流水送香車

同前

陳嘉言

公子申敬愛携朋玩物華人是平陽客地似石崇家
水文生舊圃風色滿新花日暮連歸騎長川照晚霞



同前

砌節牧晦魄津柳競年華既狎忘筌友方淹投轄車
綺筵迴舞雪瓊醕泛流霞雲低上天晚絲雨帶風斜

周彥暉

同前

主第簪裾出王畿春照華上亭一已眺城闕帶煙霞
橫堤列錦帳傍浦駐香車歡娛屬晦節醕酌未還家

高蟠

同前

飛歡寫春望開宴坐汀沙積溜含苔色晴空蕩日華
歌入平陽第舞對石崇家莫慮能騎馬投轄自停車

劉友賢

同前

春來日漸賒琴酒逐年華欲向文通徑先游舞子家

此原缺一葉

水葉分蓮沼風花落援枝自符河朔趣寧羨山陽池

同前

周思鈞

綺筵乘晦景高宴下陽池濯雨梅香散含風柳色移
輕塵依扇落流水入絃危勿顧林亭晚方歡雲霞披

同前

高瑾

忽聞鶯響谷於此命相知正開彭澤酒來向高陽池
柳葉風前弱梅花影處危賞洽林亭晚落照下參差

同前

陳嘉言

高門引冠蓋下客抱支離綺席珍羞滿文場送翰攜
莫華彫上月柳色謁春池日斜歸戚里連騎動金羈

同前

韓仲雪



同前

砌節牧晦魄津柳競年華既狎忘筌友方淹投轄車
綺筵迴舞雪瓊醕泛流霞雲低上天晚絲雨帶風斜

周彥暉

同前

主第簪裾出王畿春照華上亭一已眺城闕帶煙霞
橫堤列錦帳傍浦駐香車歡娛屬晦節醕未還家

同前

飛歡寫春望開宴坐汀沙積溜含苔色晴空蕩日華
歌入平陽第舞對石崇家莫慮能騎馬投轄自停車

同前

劉友賢

春來日漸賒琴酒逐年華欲向文通徑先游舞子家

此處缺一葉

水葉分蓮沼風花落援枝自符河朔趣寧羨山陽池

同前

周思鈞

綺筵乘晦景高宴下陽池濯雨梅香散含風柳色移
輕塵依扇落流水入絃危勿顧林亭晚方歡雲霞披

同前

高瑾

忽聞鶯響谷於此命相知正開彭澤酒來向高陽池
柳葉風前弱梅花影處危賞洽林亭晚落照下參差

同前

陳嘉言

高門引冠蓋下客抱支離綺席珍羞滿文場添翰摛
莫華彫上月柳色諳春池日斜歸戚里連騎動金羈

同前

韓仲雪



鳳樓先吹晚龍樓夕照披陳遵已投轄山公正坐池
落日催金奏飛霞送玉卮此時陪綺席不醉欲何為

同前

弓嗣初

年華藹芳隰春溜滿新池促賞依三友延歡寄一卮
鳥聲隨管變花影逐風移行樂方無極滯留惜晚曦

同前

陳子昂

公子好追隨愛客不知疲象筵開玉饌翠羽飾金卮
此時高宴所詎減習家池循涯倦短翮何以儷長離

同前

高嶠

駕言尋鳳侶乘歡俯鴈池班荆逢舊識斟桂喜深知
紫蘭方出徑黃鶯未轉枝別有陶春日青天雲霧披

同前

周彥暉

春華歸柳樹晦景落棠枝置驛銅街石開筵玉滴陸
林煙含柳密竹雨帶珠危興闌巾倒載山公下習池

和晦日駕行昆明池四首李又

玉輅尋春賞金提重晦遊川通黑水浸池派紫泉流
晃朗扶乘出綿聯樹杞周烏疑埋海處人似隔河秋
劫盡灰猶識年移石故留汀洲歸棹晚簫鼓雜吟謳

同前

蘇頲

炎曆事邊垂昆明始鑿池豫遊光後聖征戰罷前規
霽色清珍宇年芳又錦波御杯蘭為葉仙仗柳交枝
二石分河寫雙珠代月移微臣比翔詠恩廣自無涯



同前

法駕乘春轉神馳象漢迴雙星移舊石孤月隱殘灰
戰鷁逢時去恩魚望幸來岸花緹綺逸堤柳幔城開
恩逸橫分唱歡留宴鎬臣微臣凋朽質羞觀豫章材

沈佺期

同前

宋之問

春豫靈池近滄波帳殿開舟凌石鯨漫查拂斗牛迴
節晦奠全落春遲柳暗催象須看浴景燒劫辨沉灰
在鎬周文樂橫汾漢武才不愁明月盡自有夜珠來

晦日漣水侍宴應制三首

宗楚客

御輦出明光乘舟泛羽觴珠胎隨月減玉漏與年長
寒盡梅猶白風遲柳未黃日斜旌騎轉休氣滿林塘

同前

沈佺期

素澹接宸居青門盛夜除摘蘭諠鳳野浮藻隘龍渠
苑蝶飛株概宮鶯轉未踈景移天仗入歌舞向儲胥

同前

張說

千行發御柳一葉下仙茆青浦宣遊至朱城佳氣濃
雲霞交暮色草樹喜春容鵲天旂轉清笳入九重

晦日詔宴永穆公主亭

堂邑山林美朝恩晦日遊園亭含淑氣竹樹繞春流
舞席千花騎歌船五綵樓羣歡與王澤歲滿皇州

晦日

晦日嫌春淺江浦看湔衣道傍花欲合枝上鳥猶稀



共憶浮名晚，無人醉歸寄書題。此月鴈過洛陽飛。

晦日宴遊

杜審言

月晦隨冥茨，春情著杏花。解神宜就水，張幕會連沙。歌管風輕度，池臺日半斜。更看金谷騎，爭向石崇家。

桂州陪王都督晦日宴道遙樓

宋之問

晦節高樓望山川，一半春意隨冥葉。盡愁共柳條新，投刺登龍日開懷。納鳥晨兀然，心似醉不覓有吾身。

晦日湖塘

孫逖

吉日初成晦，方塘遍是春。落花迎二月，芳樹歷三旬。公子能留客，巫陽好解神。夜還何慮暗，秉燭阿城墮。

芳年正月晦，假日早朝迴。欲盡三春賞，還欽二阮才。柳郊騎入花近，庭開宛似人還。外真情寓物來。

晦日遊大理韋卿城南別業四首

王維

與世澹無事，自然江海人。側聞塵外遊，解弁託朱輪。平野照暄景，上元垂景雲。張組竟北阜，汎舟東隣故鄉。信高會，牢醴及佳辰。幸同擊壤樂，心荷堯為君。一作：郊居杜陵下，水日同携手。人里霽川陽，平原見峯首。園廬鳴春鴻，林薄媚新柳。上卿始登席，故老前為壽。臨當游南浦，約略執杯酒。歸轍絕微官，惆悵心自咎。



冬中餘雪在壚上春流駛風日暢懷抱山川好天氣彫
胡先晨炊庖膾亦後至高情浪海嶽浮生寄天地君
子外簪纓埃塵良不帶所樂衡門中陶然忘其貴
高館臨澄陂曠然蕩心目澹淡動雲天玲瓏映壚曲鵲
巢結空林雉雠響幽谷應接無閑暇徘徊以躑躅紆組
上春堤側弁倚喬木弦望忽已晦後期洲應綠

晦日尋崔戢李封

杜甫

朝光入甕牖晏寢驚弊裘起行視天宇春氣漸和柔
興來不暇嬾今晨梳我頭出門無所待徒步覓自由
杖藜復恣意免值公與侯晚定崔李交會心真罕儔
每過得酒喫二宅可淹留喜結仁里歡沉因今節求

李生園雖荒舊竹頗偃引客看埽除隨時成獻酬
崔侯初筵色已畏空罇愁未知天下士至性有此不
草牙既青出蜂聲亦凝遊思見農器陳何當甲兵休
上古葛天氏不貽黃綺憂至今阮籍等熟醉為身謀
威鳳高其翔長鯨吞九州地軸為之翻百出皆亂流
當歌欲一放淚下恐不收濁醪有妙理庶用慰沉浮

陪王閬州晦日泛舟二首

山谿何時斷江平不肯流稍知花改岸始驗鳥隨舟
結束多紅粉歡娛恨白頭非君愛人客晦日更添愁
有逗金沙軟無人碧草芳野畦連蛺蝶江檻俯鴛鴦
日晚煙花亂風生錦繡香不須吹急管衰老易悲傷



晦日陪侍御泛舟北池得寒字

岑參

春池滿復寬，晦節耐邀歡。
月帶蝦蟇盡，霜隨獬豸寒。
水雲低錦席，岸柳拂金盤。
日暮舟中散，都人夾道看。

晦日任橋池亭作

儲光羲

溫泉作天邑，直北開新洲。
未有菰蒲生，即聞鳧鴈游。
六亭在高岸，數島居中流。
晦日望青波，相與期泛浮。
西道苦轉轂，北堤疲行舟。
清冷水木陰，終可適我憂。

江陵晦日陪諸官泛舟

錢起

節物堪為樂，江湖有主人。
舟行深更好，山趣久彌新。
樽酒平生意，煙花異國春。
城南無夜月，長袖莫留賓。

晦日益州北池陪宴

司空曙

臨泛從公日，仙舟翠幙張。
七橋通碧沼，雙樹接花塘。
玉燭收寒氣，金波隱夕光。
野聞歌管思，水靜綺羅香。
遊騎縈林遠，飛橈截岸長。
郊原懷霸澹，陂澗寫江黃。
常侍傳花詔，偏禪問羽觴。
豈令南峴首，千載播餘芳。

晦日與苗員外發同遊曲江

李端

晦日同携手，臨江一望春。
可憐楊柳陌，愁殺故鄉人。
和李相公勉晦日逢池遊宴同字

戴叔倫

高會吹臺中，新年月桂空。
貂蟬臨野水，旌旆引春風。
細草蒙斜岸，纖條出故叢。
微文復看獵，寧與解神同。



晦日馬銜曲稍次中流作 常建

夜寒宿蘆葦晚色明
西林初日在川上便澄遊
子心秦天無纖翳郊野浮
春陰波靜隨釣魚舟小綠
水深出浦見千里曠然諧
遠尋扣舷應漁父因唱滄
浪吟

晦日處士叔園林集讌 韋應物

遽看萸萸盡坐聞芳年賞
賴此林下期清風滌煩想
始萌動新煦佳氣發幽響
嵐嶺對高齋春流灌蔬壤
罇酌遺形迹道言屢開獎
幸蒙茲夕歡聊用稅歸鞅

月晦憶去年與親友曲水遊宴

晦賞念前歲京國結良儔
騎出宣平里飲酒曲江流
今朝隔天未空園傷獨遊
兩歇林光變塘綠鳥聲幽

凋甿積逋稅華髮集新愁
誰言戀虎符終當還舊立

晦日呈諸判官 韓滉

晦日新晴春日嬌萬家攀
折渡長橋年老向江城
寺不覓東風換柳條

奉和 顧况

江南無處不聞歌
晦日中軍樂更多不是風光催柳
色却緣威令動陽和

晦日陪顏使君白蘋洲集 東字

釋皎然

南朝分古郡山水似湘東
堤月吳風在湔車楚客同
桂寒初結佩蘋小欲成叢
時晦佳期促高歌聽未終



晦夜李侍御宅集拓潘 湯衝海上人

飲樂開字

晦夜不生月琴軒猶為開墻東飲者在淇上逸僧來
茗愛傳花領詩看卷葉裁風流高此會晚策屢徘徊

晦日宴遊

嚴維

晦日湔碧俗春樓致酒時出山還已醉謝客舊能詩
溪柳薰晴淺巖花待閨遲為邦久無事比屋自熙熙

省試晦日同至昆明池泛舟

朱餘慶

故人同泛處遠望色中明靜見沙痕露微思月魄生
周迴餘雪在浩渺暮雲平戲鳥隨蘭棹空波盪石鯨

劫灰難問理島樹偶知名自省曾追賞無如此日情

晦日送窮三首

姚合

年年到此日瀝酒拜街中萬戶千門看無人不送窮
送窮，不去相泥欲何為今日官家宅淹留又幾時
古人皆恨別此別恨消魂只是空相送年，不出門

晦日陪辛大夫宴南亭

劉長卿

月晦逢休澣年光透宴移早鶯留客醉春日為人遲
莫草全無葉梅花遍墜枝政閑風景好莫比峴山時

今詩

晦日

正月晦日兒曹送窮以詩留之

唐子西

世中貧富兩浮雲已著居陶比在陳就使真能去窮
鬼自量無以致錢神柳車作別非吾意竹馬論交只
汝親前此半癡今五十欲將知命付何人

正月晦日書事

李新

業無家釀致鄰翁得有薪温引類紅准擬片言能悟
主復來一飽定傷弓詩書奴婢晨占鵬鹽米妻兒夜

送窮早晚郊原莫容涕動搖葵麥嘯春風

正月末再來渡石橋見桃花盛開有感
而賦

小桃弄色仍千本流水飄香又一年何必人如花灼
灼但教情似水涓涓




今詩

晦日

正月晦日兒曹送窮以詩留之

唐子西

世中貧富兩浮雲已著居陶比在陳就使真能去窮
 鬼自量無以救神初車作別非吾意竹馬論交只
 心思妙情似本氣吐如命對爾必入吐亦
 小殊弄色即本氣吐如命對爾必入吐亦
 業無家釀致玉瓶未雨來斯不辭具林亦溫
 送讓早知曉就莫容氣煙對蔡老齋春風





中国国家图书馆
NATIONAL LIBRARY OF CHINA